
This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





A propos de ce livre

Ceci est une copie numérique d'un ouvrage conservé depuis des générations dans les rayonnages d'une bibliothèque avant d'être numérisé avec précaution par Google dans le cadre d'un projet visant à permettre aux internautes de découvrir l'ensemble du patrimoine littéraire mondial en ligne.

Ce livre étant relativement ancien, il n'est plus protégé par la loi sur les droits d'auteur et appartient à présent au domaine public. L'expression "appartenir au domaine public" signifie que le livre en question n'a jamais été soumis aux droits d'auteur ou que ses droits légaux sont arrivés à expiration. Les conditions requises pour qu'un livre tombe dans le domaine public peuvent varier d'un pays à l'autre. Les livres libres de droit sont autant de liens avec le passé. Ils sont les témoins de la richesse de notre histoire, de notre patrimoine culturel et de la connaissance humaine et sont trop souvent difficilement accessibles au public.

Les notes de bas de page et autres annotations en marge du texte présentes dans le volume original sont reprises dans ce fichier, comme un souvenir du long chemin parcouru par l'ouvrage depuis la maison d'édition en passant par la bibliothèque pour finalement se retrouver entre vos mains.

Consignes d'utilisation

Google est fier de travailler en partenariat avec des bibliothèques à la numérisation des ouvrages appartenant au domaine public et de les rendre ainsi accessibles à tous. Ces livres sont en effet la propriété de tous et de toutes et nous sommes tout simplement les gardiens de ce patrimoine. Il s'agit toutefois d'un projet coûteux. Par conséquent et en vue de poursuivre la diffusion de ces ressources inépuisables, nous avons pris les dispositions nécessaires afin de prévenir les éventuels abus auxquels pourraient se livrer des sites marchands tiers, notamment en instaurant des contraintes techniques relatives aux requêtes automatisées.

Nous vous demandons également de:

- + *Ne pas utiliser les fichiers à des fins commerciales* Nous avons conçu le programme Google Recherche de Livres à l'usage des particuliers. Nous vous demandons donc d'utiliser uniquement ces fichiers à des fins personnelles. Ils ne sauraient en effet être employés dans un quelconque but commercial.
- + *Ne pas procéder à des requêtes automatisées* N'envoyez aucune requête automatisée quelle qu'elle soit au système Google. Si vous effectuez des recherches concernant les logiciels de traduction, la reconnaissance optique de caractères ou tout autre domaine nécessitant de disposer d'importantes quantités de texte, n'hésitez pas à nous contacter. Nous encourageons pour la réalisation de ce type de travaux l'utilisation des ouvrages et documents appartenant au domaine public et serions heureux de vous être utile.
- + *Ne pas supprimer l'attribution* Le filigrane Google contenu dans chaque fichier est indispensable pour informer les internautes de notre projet et leur permettre d'accéder à davantage de documents par l'intermédiaire du Programme Google Recherche de Livres. Ne le supprimez en aucun cas.
- + *Rester dans la légalité* Quelle que soit l'utilisation que vous comptez faire des fichiers, n'oubliez pas qu'il est de votre responsabilité de veiller à respecter la loi. Si un ouvrage appartient au domaine public américain, n'en déduisez pas pour autant qu'il en va de même dans les autres pays. La durée légale des droits d'auteur d'un livre varie d'un pays à l'autre. Nous ne sommes donc pas en mesure de répertorier les ouvrages dont l'utilisation est autorisée et ceux dont elle ne l'est pas. Ne croyez pas que le simple fait d'afficher un livre sur Google Recherche de Livres signifie que celui-ci peut être utilisé de quelque façon que ce soit dans le monde entier. La condamnation à laquelle vous vous exposeriez en cas de violation des droits d'auteur peut être sévère.

À propos du service Google Recherche de Livres


En favorisant la recherche et l'accès à un nombre croissant de livres disponibles dans de nombreuses langues, dont le français, Google souhaite contribuer à promouvoir la diversité culturelle grâce à Google Recherche de Livres. En effet, le Programme Google Recherche de Livres permet aux internautes de découvrir le patrimoine littéraire mondial, tout en aidant les auteurs et les éditeurs à élargir leur public. Vous pouvez effectuer des recherches en ligne dans le texte intégral de cet ouvrage à l'adresse <http://books.google.com>

*
CASANATENSE
*

AAD. XIII. 16

7. XII. 7

7.



Aesopus; les fables ... mises
en Ryme françoise ...

A Lyon, Par Jean de
Tournes, et Guillaume
Garcen, 1549 -

CyReno

16184



A treshaut & trespui,

SANT PRINCE, MON-

seigneur Henry, Daulphin de Vien-
nois, Duc de Bretagne, & premier
enfant de France, Gilles Corrozet,
son humble serviteur, S A L V T.



Es grans Seigneurs riches &
opulens,
Pour se monstrier puissans &
excellens,
Les forts Chasteaux & Pa-
lais edifient:

Et à bastir telz lieux se glorifient,
Pour la grandeur, pour la force, & matiere
Pour la hauteur, & la cloture entiere
Des bastimens, dont font construction,
Ou il n'y ha rien d'imperfection.

Mais ceux qui sont moindres & mecaniques,
Bons de biens, laboureurs & rustiques,

Aes seulement petites maisonnettes,
Figurons, Cabanes, & Logettes,
De pource estoffe, & petite duree,
Selon qu'ilz ont leur force incsuree.

Ainsi est il, ô Prince trespuissant,
Royale fleur du beau Lîz florissant,
Que ceux qui sont abondans en sauoir,
Pour le iourd'huy nous font entendre & voir
Leurs bastimens accomplis & parfaits:
Qui sont les dirz & escrits par eux faits,
Tant bien difans, en termes si exquis,
Qu'à la matiere & subiet est requis.

23 Pour le present le Royaume de France,
De telles gens n'ha faute ne souffrance:
Et se peult bien sur tous donner le prys,
Qu'il ha en soy la fleur des bons esprits:
Qu'en toute langue homme sauant s'y treuve,
Dont n'est besoin faire plus grande preuue.

Outre ceux là qui font si beaux ouurages,
Moindres y ha en sauoir & langages,
Qui toutesfois par bon zele & vouloir,
Taschent de loin à se faire valoir:
En bastissant selon leur fantasie,
Petis traitez de basse poësie,
Qui ne sont pas du tout à reietter.

Car

9
Car on s'y peult maintesfois delecter,
Autant qu'aux grans, & le bien & profit,
Qui en prouient aux bien vucillans.

Or ay ie fait (Prince tresinagnanime)
Ce bastiment d'assez petite estime,
En quoy faisant, pour mon auancement
I'ay prins d'autrui la pierre & le ciment:
Ce sont Recitz, Apologues & Fables,
Pleines de sens, subtiles, delectables,
Dont ha vsé Esope Phrygien,
Fabulateur & Poëte ancien:
Et par cela il adresse les mœurs,
A composer hommes prudens & meurs:
A enseigner ce qui estoit de faire
Pour viure bien, & fuyr le contraire:
Puis quand i'ay eu la matiere propice,
I'en ay basti ce petit edifice.

Cecy n'est pas vn ouurage doré,
Digne qu'il soit de personne honoré,
Pour estre mis au nombre des authours
Dignes de nom, Poëtes, Orateurs:
Et toutesfois i'ay prins la hardiesse
D'en faire don, & offre à ta noblesse:
En m'asseyrant que ta grandeur tant haute,
Ne prendra garde à moy, ny à ma faute,
Ny au liuret, qui n'ha la qualité.

A 3

Pour

Au est offert à ton autorité:
Et ta raison, ainsi que tu n'as en desdain
Parle-moi Lieure aussi bien comme au Dain,
Et que tu prens agreable souuent
Maison champestre, à la pluye & au vent.
I'ay cest espoir qu'un iour deuant ta face,
Ce liure mien trouuera quelque grace:
Non pour la langue, ou pour le translateur,
Mais pour le sens; & pour son propre authcur,
Qui l'ha escrit en Grec premierement:
Et par lequel il ha ioyeusement
Loué vertu, blasme faits deshonnestes,
Introduisant oyseaux, poissons & bestes,
Pour reformer les hommes mal-viuanz,
D'iniquité les traces ensuyuanz:
Et leur donner vne reigle de viure,
Non pour peché, mais pour la raison suyure.

C'est le premier qui du temps tres antique
Ha inuenté tel style poëtique,
Duquel aussi des sages les plus vieux,
Ont ensuyui les dits tant precieux:
Mesmes Platon le diuin ha escrit,
Que Socrates pres de rendre l'esprit,
Pour son vieil aage, escrivoit en beaux vers
Ses dits moraux & ses contes diuers:
Et apres luy plusieurs autres n'ont eu
Honte d'auoir ainsi peint la vertu,

Et le peché, à fin qu'experience
Aydaſt à l'homme à trouuer ſapience.

Voyla que c'eſt, & dont ſeray ioyeux,
S'il peult venir vn iour deuant tes yeux.
Dieu qui les Roys fait ſur tous dominer,
Te doint ce bien d'heureuſement regner
A l'aduénir, comme maĩſtre & ſeigneur,
A ton ſalut, à ſa gloire & honneur.

PLUS QUE MOINS.

A 4



Phillacher

A.



L'ignorant.




*Comme le Coq ne va querant
La Pierre precieuse & belle,
Ainsi ne cherche l'ignorant
La science spirituelle.*

Du Coq & de la Pierre precieuse.
Fable premiere.

VN Coq cherchant sa viande & pasture
Sur vn fumier, en fange & pourriture,
Gratant des piedz, vne pierre trouua
De tresgrand prys: il la laisse & s'en va,
En luy disant, hà pierre precieuse
Qui tant es belle & bonne & gracieuse,
C'est grãd dõmage & pour toy grãd malheur
Qu'homme sauant qui congnoit ta valeur
Ne t'ha trouuee en ce lieu ord & vague,
Il en feroit quelque tresriche bague.
Mais moy qui t'ay en ce fumier trouuee,
Par moy n'est point ta bonté esprouuee.
Je ne te veux, de toy ie n'ay que faire,
C'est pour celuy qui en ha plus affaire,
Et pour son fait te souhaite & desire:
A si grand bien & si haut ie n'aspire.

Ainsi le fol, par son insipience,
N'ha cure & soin de la bonne science:
Il ne veult point aux lettres proufiter:
Tant seulement il se veult arrester
Aux biens mondains, pleins de corruption,
Aux folz plaisirs remplis d'infection.
Il se complaist à faire demeurance
Es lieux fangeux, tenebres d'ignorance:
Ainsi est il à ce Coq bien semblable
A qui ne chaut de la pierre vallable:
Car par la pierre est science entendue,
Parmy les biens de ce monde estendue.



*Le Mauvais cherche occasion de
faire mal à l'Innocent.*



*On dit en vulgaire langage,
Qui veut faire mal à son chien,
Presupposé qu'il n'en soit rien,
Toutefois dit qu'il ha la rage.*

Du Loup & de l'Agneau.

Fable II.

VN Loup tout gris, fin & malicieux,
 Et vn Agneau tout simple & debonaire,
 Dens vn ruisseau plaissant & gracieux
 Beuoient tous deux selon leur ordinaire:
 L'Agneau à val, & le vieux Loup à mont,
 Qui en fureur prouoque & semond
 Dit à l'Agneau: Pourquoi trouble tu tant
 Ce beau ruisseau ou me viens esbatant?
 L'Agneau respond non pas à la volee,
 Certes seigneur ie n'ay point l'eau troublee,
 Je suis dessous & au dessus vous estes.

Ton pere vn iour me fait telles molestes,
 Ce dit le Loup, & pour luy tu mourras:
 Riens n'y vaudront prieres ny requestes,
 A cẽ ruisseau iamais tu ne boiras.

Lors l'estrangla nonobstant sa deffense.
 Là n'eust pouuoir iuste allegation:
 Ainsi les grans, sans qu'on leur face offence,
 Font aux petis iniuste oppression,
 Par quelque dol, ou caillation,
 Par haut parler, par force ou par richesse
 L'homme malin l'innocent tue & blesse,
 En telle ardeur de couuoitise il entre
 Que de ses biens se nourrit & engresse,
 Et de son sang se repaist à plein ventre.



*Qui pense mal, mal luy
advient.*




*Souvent reçoit punition
Celuy qui fait deception:
Qui contre autruy quelque mal pense,
Il en reçoit la recompense.*

Du Rat & de La Grenouille.
Fable III.

CEluy qui tache à decenoir
Son prochain par quelque finesse,
Le mal qu'il vouloit concevoir
Tombe sur luy & si le blesse:
Quiconques son prochain oppresse,
Et luy veult estre desloyal,
Son peché contre luy s'adresse,
Pour mal qu'il pense, luy vient mal.

Ainsi qu'à la Grenouille aduint
Qui ne faisoit que mal penser,
Vn Rat deuers elle s'en vint
Pour sur son corps la mer passer:
Tous deux se vont en mer lancer,
Et la Grenouille en leue plus forte
Voulut leurs deux piedz enlasser,
Et sur son doz ainsi le porte.

La Grenouille fallacieuse
Voulut le Rat en mer plonger,
Et tant feit la malicieuse
Qu'es vndes le feit submerger,
Sur elle tomba le danger,
Car vne Escouffe en diligence
La vint desirer & menger
Par droite & bien iuste vengeance,



*Ne conuoiter choses in-
certaines.*



*Si tu t'arrestes à vne ombre,
Delaissant la chose certaine,
Ton esperance sera vaine,
Et en souffriras gries encombre.*

Du Chien & de la piece de chair.
Fable IIII.

VN Chien portoit vne piece de chair
Dedens sa gueule, & se print à marcher
Sur vne planche en passant la riuier:
Et le Soleil par sa clere lumiere,
Faisoit de luy & de la chair aussi,
Vn ombre en l'eau. Or aduint il ainsi
Qu'il passoit l'eau, icelle ombre aduisa,
Laquelle alors plus que la chair prise,
Car il la laisse & à l'ombre se prend:
Mais il n'aduient ce que fol entreprend:
Rien il ne treuve, & deceu se voit estre:
Donc à l'abboy il donna à congnoitre
Qu'il eslut mal. ha poure miserable,
Ce crioit il, ton choi n'est pas valable,
Tant as esté de tout bon sens lointain,
Que l'incertain as prins pour le certain.
Nous çognoissons donques par celuy Chié,
Laisant le bien & s'arrestant à rien,
Que nous deuons si sagement choisir,
Qu'au choi n'ayons ne mal ne desplaisir:
Car nous voyons que ceux là qui s'arrestent
Aux biens d'autrui, & sans fin les couuoient,
Ce temps pendant perdent le leur entier,
C'est le loyer d'un qui fait tel mestier.



*N'auoir affaire avec plus grand
que soy.*



*Avec vn grand ne t'associe,
De le hanter ne te soucie.
Si tu veux croire bon conseil,
Ne te mets qu'avec ton pareil.*

Du Lyõ de la Brebis & autres bestes.
Fable V.

LE fort Lyon prince des autres bestes,
Par les forestz alloit faire ses questes:
La lourde Vache & la Brebis estoient
Auecques luy, & ensemble questotent.
Lors ont trouué vn Cerf grand & cornu,
Et de si pres l'ont chassé & tenu,
Qu'ilz l'ont occis. Quand ce vint à partir
La venaison, ie vous veux aduertir
(Dit le Lyon) qu'à moy qui suis seigneur,
La part premiere (à cause de l'honneur)
Doit estre à moy : Et la seconde, pour ce
Que plus que vous i'ay fait tressongue course,
La tierce aussi, pource qu'en mon effort
Par dessus vous ie suis beaucoup plus fort:
Qui pour la quarte apres s'esforcera,
Incontinent mon ennemy sera.
Tout est à moy que chacun se pourchasse,
Sans rien pretendre à la presente chasse.

Par telz moyens & allegations
Les puissans font maintes exactions
Sur les petis, & par dol & malice
Leur ostent tout, eontre droit & iustice.

Rare est la foy voire des plus puissans,
Vers les petis qui sont obeissans.

Si tu vis donc avec plus grand que toy,
C'est vn grand bien s'il te garde sa foy.

B



*Le bien perdu fait à
l'ingrat.*



*Il n'est rien plus mal employé,
Que de faire à l'ingrat du bien:
Quiconques l'aura essayé,
Une autrefois s'en garde bien.*

Du Loup & de la Grue.

Fable VI.


VN meſchant Loup la Brebis deuora:
 Mais en menſeant il ſe trouua faché,
 Dens le goſier vn os luy demoura:
 Lors ne ceſſa tant qu'il fuſt arraché:
 Pour ſe guerir alla remede querre,
 Vers les oyſeaux & beſtes de la terre.
 Guery ne l'ont, diſans que ſon tourment
 Eſtoit loyer bien digne d'un gourmand.
 Quiconques fait à autrui quelque outrage
 Contre raiſon, iuſtice & equité,
 Il luy ſuruient touſiours perte & dommage.
 Deceu ſe void qui fait iniquité.

A vne Grue il ſeit grande promeſſe
 De quelque don, ſ'elle luy peult oſter:
 Lors ſon long col dedens ſa gucule adreſſe,
 Emporte l'os ſans plus le tourmenter,
 Et cela fait demande ſon ſalaire:
 Mais le faux Loup qui ne veult ſatisfaire
 Luy dit, va t'en, & ſi me remercie,
 Car ſ'il m'eult plu ie t'euffe oſté la vie,
 Tandis qu'eſtoit ton long col eſtendu
 En mon goſier: Lors va dire la Grue,
 Le bien qu'on fait à lingrat eſt perdu,
 Car pour bonté mauuaiftié eſt rendue.

B 2



*Ne rendre mal pour
bien.*



*Ne fais ainsi que la Couleuvre,
Ne rens le mal pour le bien fait:
Si on te fait quelque bon œuvre,
Il doit estre ainsi satisfait.*

Du Rustique & de la Couleuvre.

Fable VII.

VN Laboureur & champestre rustique,
 En temps d'huyter dessus la neige froide
 Trouua gisante en vne voye oblique,
 Vne Couleuvre à demy morte & roide:
 Lors sa pitié il luy manifesta:
 Pour la chauffer en l'hostel la porta:
 Mais aussi tost que la chaleur sentit,
 Par la maison elle se transporta,
 Et par siffler tout le lieu infecta,
 Si mallement qu'elle l'empuantit.

Le Laboureur empongne vne coignée,
 Et court apres la Couleuvre tortue,
 En là tenant l'ha frappee & coignée:
 Mais peu s'en faut que ne le blesse ou tue:
 Est ce (dit il) la mercy & la grace
 Que i'ay de toy? Prends tu bien telle audace
 De me tuer, & ie t'ay donné vie?

O le grand mal! quand on tue ou menasse
 Celuy, lequel tout son bien luy pourchasse,
 Cela procede & vient d'ingrate enuie.

B 3



*Ne faire chose indigne
de soy.*



*L'homme sot plein d'outrage,
Au grand veult faire honte:
Mais vertueux courage,
De tel fol ne tient conte.*

Du Sanglier & de l'Asne.
Fable VIII.

VN Asne lourd de mauuaise nature,
Vn Porc Sanglier moquoit & desprisoit:
Pour l'irriter luy faisoit mainte iniure:
Et le Sanglier graucement luy disoit,
O paresseux, contre toy ne m'indigne,
Tu es pourtant de gricue peine digne,
Pour ton mal fait & ta temerité:
Et toutesfois que ie n'ay meritè,
Aucune honte ou laide moquerie,
Tu es assure de ma scuerité,
Pour ta paresse & grosse lourderie.

Ainsi est il, que quand nous oyons dire
Choses qui sont trop indignes de nous,
Combien que soient par moquerie ou ire,
Il ne nous faut en prendre aucun courroux:
Nous ne deuons dire ou faire aucuns signes,
Qui soient de nous estranges & indignes.
Ne faisons point deshonneur à nous mesmes,
Par faits ou dits, par passions extremes:
Le deshonneur tombe sur le moqueur,
Qui y adiousté iniures & blasphemes:
Mais le prudent demeure le vainqueur.

B 4



En poureté seureté.



*Voluntiers la richesse,
Porte avec soy tristesse:
Mais seure poureté,
Porte ioyeu seté.*

Des deux Ratz. Fable IX.

VN Rat de ville eut volonté d'aller
S'esbatre aux champs pour vn peu prendre l'aer,

Vn Rat des champs trouua dens vne plaine
Qui le semorid, & puis chez soy le meine,
Et luy donna de si peu qu'il auoit
Petit barquet, comme faire sauoit.

Le Rat de ville en voyant l'ordonnance,
Poutreté blasme, & loue labondance:
Et pour monstrier son bien & son estat,
Dedens la ville il amena ce Rat.


Quand ilz sont là, le riche Rat ordonne
Vn beau barquet, & pour manger luy donne
Pain, lard, & chair: mais ce pendant suruint
Dens le celier, vn bouteiller qui vint
Tirer du vin lors s'allèrent cacher,
En laissant là leur viande & leur chair
En grande peur: Puis l'homme retourna.

Le Rat de ville apres ne sejourna:
Mais de menger à l'autre feit enuie.

Dit l'inuite, Ma sobre & poure vie
Est bien plus seure & stable que la tienne,
Combien que bons repas elle contienne:
Ce que ie mange icy me semble miel,

Poures morceaux aux chäps me semblët miel.

Sobre repas en seureté (sans seinte)
Vaut beaucoup mieux que grand barquet en
crainte.



Ne croire faux conseil.



*Qui pour son prouffit seulement
Conseille autrui, il n'est à croire:
Et qui le croit, finalement
Se trompe, & dechet de sa gloire.*


De l'Aigle & de la Corneille.
Fable X.

VN Aigle auoit prinse vne huystre à l'escale

Et ne pouuoit ne rompre ne casser
Par son effort, mais la Corneille male
Qui à tromper ne faisoit que penser,
Dit: Si tu veux ton escaille froisser,
Vole bien haut, laisse la cheoir en terre,
Il ne faudra iamais recommencer,
Car en tombant rompra sur ceste pierre.

Fut dit, fut fait, l'Aigle prend sa volée
Tout au plus haut, puis laisse en terre basse
L'huystre tomber, si viste est deualée
Contre le roch, qu'en deux elle se casse:
Mais la Corneille incontinent amasse
L'huystre qui est dehors de sa coquille,
Parquoy de ducil quasi l'Aigle trespasse,
En menassant la Corneille subtile.

Il ne faut pas croire si de leger.
N'adiouter foy à tout conseil qu'on donne.
Si par conseil tu veux ton fait renger,
Auant que faire aduise la personne
Qui te conseille, & de ton cas ordonne:
Car maintenant chacun conseille autrui
Si feintement, que qui s'y abandonne,
Voit son dommage en fin tomber sur luy.



*Ne croire la louenge des
flateurs.*



*Flateurs sont tousiours bien venus
Vers ceux qui ayment leur louenge:
Mais quand la fortune se change,
Ilz sont pour ennemys tenus.*

Du Renard & du Corbeau.

Fable XI.

VN noir Corbeau dessus vn arbre estoit,
 Et en son bec vn fromage portoit
 Qu'il auoit pris:vn Renard d'auenture
 Passoit par là, qui cherchoit sa pasture,
 Et en voyant le Corbeau & sa proye
 La couuoita, puis s'arreste en la voye,
 Et en louant feintement le Corbeau
 Dit, mon amy, que ton plumage est beau.
 I'apperçoy bien à ceste heure que non
 Est vrây le bruit & le commun renom,
 Car chacun dit que noir est ton plumage,
 Mais il est blanc, voire blanc d'auantage
 Que neige n'est, ne le lait, ne les Cignes.
 I'en reconnois bien maintenant les signes,
 Sy donc avec tes plumes tu auois
 Le chant plaisant, & delectable voix,
 Certes amy ie te iure ma foy,
 Que tu serois sur tous oyseaux le Roy.

Lors le Corbeau esmu de gloire vaine
 Ouure le bec, & de chanter prend peine,
 Et le fromage alors chet promptement:
 Renard le prend, & fust soudainement.
 Le Corbeau crie, en se voyant deccu,
 Je suis trompé, je l'ay bien apperceu,
 Et congnois bien qu'on ne doit iamais croire
 A vn flatteur qui donne vaine gloire.



Acquisition d'Amys.



*Il fait bon en ieunesse
Acquerre des Amys:
Car quand vient la vieillesse,
En despris on est mis.*

Du Lyon, du Porc, du Taureau &
de l'Asne. Fable XII.

VN Lyon, en ieunesse estoit tant furieux
Qu'il feit maints ennemys: mais quand il
deuint vieux

La peine il en receut, car la loy Talion
En la vieillesse cheut sur le pource Lyon.
Vn Sanglier de sa dent luy desira sa peau,
De ses cornes aussi le frappa le Taureau,
Et l'Asne desirant le renom effacer
De ce pource Lyon, le venoit offencer
En le frappant des pieds, & luy disant iniure.
Et le vieillard Lyon en ceste peine dure
Disoit en gemissant, tout mon tēps est perdu,
Car le mal que i'ay fait m'est maintenant réduit.
Ceux là à q' i'ay nuy quād i'estois ieune et fort
Me nuisent maintenant, & desirent ma mort.
Ceux à q' i'ay aydé pourchassent mō dōmage.
Lās i'ay esté bien fol quād ainsi en ieune aage
I'ay fait des ennemys: Plus fol ie fus encores
D'auoir fait faux amys qui me destruisent orcs.

Cela me monstre bien, & si est en vsage,
Que quād Fortune tourne à autrui son visage,
Ceux qu'il ha offencez s'en vègent bien apres,
Et ses amys aussi ne s'en tiennent plus pres.
Ses amys ne sont pas, mais amys de sa table,
Amys de sa fortune alors qu'est fauorable.
Autres amys faut faire au tēps quō le peult biē,
Amys de tous les tēps qui ne veullēt que bien.



*Faire ce qui est decent
à soy.*



*Qui s'entremet de faire quelque chose,
En quoy il n'ha geste ne bonne grace,
Au rebours viét de tout ce qu'il propose
Et s'apperçoit deceu de son audace,*

De l'Asne & du petit Chien.
Fable XIII.

VN petit Chien à son maistre faisoit
Mil' passetemps, gayetez & caresses.
Il le flatoit, le leschoit & baisoit,
Sautoit, dansoit, faisoit ses gentilleses.
L'Asne voyant ces ioyes & lieses,
Et comme estoit celuy Chien bien traité,
Se complaignant de ses grandes pareses
Dit, ie seray autre que n'ay esté.

Car i'apperçoy, & voy que pour fiater,
Le petit Chien est tousiours bien venu,
Deuant mon maistre il ne fait que sauter,
Lapper, danser, dont il est cher tenu:
Et moy ie suis souz le fais detenu,
Tousiours batu en la ville & aux champs.
Tant de fardeaux mon doz ha soustenu,
Que ie me tiens du nombre des meschans.

Adonc vn iour que son maistre arriua
En son hostel, l'Asne pour luy complaire,
Sur ses deux piedz tout debout se leua,
Et commença à sauter & à braire.

Lors le seigneur le voyant ainsi faire,
Commande & dit qu'il soit tresbien froté.

Le labour donc ou nature est contraire,
Se treuve vain, & n'est à rien conté.

C



*Les grans ont affaire des
moindres.*



*Si tu es grand, garde toy bien
De faire au petit desplaisir:
Pource que tu ne sçais combien
Il te peult faire de plaisir.*

Du Lyon & du Rat.
Fable XIII.

VN Lyon laz se reposoit en l'ombre
Dessus vn pré : derriere luy estoient
Rats & fouriz, voire en assez grand nombre.
Qui entour luy couroient & s'esbatoient.
Lors le Lyon attingnit de sa pate
Vn poure Rat, qui le prie & le flatte
Pour eschaper : le Lyon pardonneur,
Voyant n'auoir à sa mort grand honneur,
Le laisse aller en pleine liberté.
O quel grand bien ! & quel don d'excellence !
De voir pitié, courtoisie & clemence
Aux cœurs des grans, & rendre leur clarté.

Vn plaisir fait ne fut iamais perdu.
Le Lyon fut dedens les liens pris,
Là heurle & brait : le Rat s'y est rendu,
Qui de l'oster d'illec ha entrepris.
Il vient aux laqs, & prend si bon courage
Qu'il ronge aux dents la corde & le cordage,
Et le Lyon s'en va franc & deliure.
Lors dit le Rat, si par moy tu peux viure
Qui suis petit, c'est pour la recompense.
Car si le grand, au petit, doux se monstre,
Le moindre aussi, pourueu qu'il s'y rencontre,
Luy reuaudra plus que l'autre ne pense.



Honorer Dieu aussi bien en prospérité qu'en aduersité.



*Qui en sa vie à Dieu ne fait honneur,
Quand la mort viét, ou q̃lque maladie,
Dieu l'abādōne, & point n'y remédie:
Pour biē ou mal faut louer tel seigneur.*

Du Milan malade.

Fable XV.

VN Milan estoit
 Au liēt languissant,
 Du mal qu'il portoit:
 Lors en gemissant,
 Il dit à sa mere,
 A fin d'auoir mieux,
 En complainte amere,
 Priez tous les Dieux
 Que i'aye santé
 Et conualescence:
 Je suis mal traité
 Et perds patience.

Sa mere luy dit,
 Le bien que tu veux
 Il t'est interdit,
 Auoir ne le peux:
 Car quiconque fait
 Tort & violence
 Aux Dieux, est de fait
 Puny de l'offence.

Tu as contemné
 Les Dieux immortelz,
 Et contaminé
 Temples & autelz.
 Ne pense donc point
 Que Dieu soit propice
 A qui en ce point
 Fait peché & vice.



Croire bon conseil.



*Plusieurs en leur fait n'ont aduis,
Et ne veulent ouyr ne croire
D'autrui le conseil & deuis,
Par faute de sens & memoire.*

De l'Arondelle & autres oyseaux.

Fable XVI.

VN Laboureur son Lin semoit,
 Parquoy l'Arondelle blasmoit
 Les oyseaux, qui en leur presence
 Souffroient semer telle semence,
 Leur disant, la graine mengons
 Et du Laboureur nous vengeons:
 Car vous deuez tous bien congnoistre,
 Que quand ce Lin viendra à croistre
 Il en fera laqs & fillez,
 Dont seront prins & exillez.
 Les autres oyseaux s'en moquerent,
 Sote Prophete l'appellerent.

Quand l'Arondelle veit croissant
 Ce Lin fleury & verdissant,
 A ces oyseaux dit derechef,
 Il vous viendra quelque meschef,
 Prins serez & souffrirez pis
 Si vous n'arrachez ces espics,
 Les autres se moquerent d'elle.

Depuis la petite Arondelle,
 Quand vint à l'arriere saison
 Alla loger en la maison
 Du Laboureur: apres aduint
 Que quand ce Lin bien meur deuint
 On en feit fillez, dont prins furent
 Ces autres oyseaux, qui moururent
 Par faute de ne croire en rien
 Celle qui les conseilloit bien.



Honorer le bon Prince.



*C'est vn grãd biẽ de viure en liberté,
C'est plus grand bien de viure souz
vn Prince,
Qui sagement gouuerne sa prouince
Et ses subiets en commune vnité.*

Des Grenouilles & de leur Roy.
Fable XVII.

EN liberté les Grenouilles estoient,
Mais de ce bien point ne se cōtentoient,
A Iupiter demanderent vn Roy,
Dont il se rist voyant leur desarroy:
Tant fut pressé par leurs hautaines voix
Qu'il leur donna vne tronche de bois
Pour leur seigneur : adonques s'auancerent,
Et par honneur vers elle se baissèrent:
Mais en voyant ce Roy sans mouuement,
Vers elles fut en grand contemnement.
Puis derechef prièrent leur changer
Iceluy Roy à vn Roy estranger.
Lors Iupiter vne Cigoigne enuoye
Pour estre Roy : les Grenouilles en voye
Mises se sont pour leur Roy honorer,
Lequel les vint manger & deuorer:
Ce que voyans deuers Iupiter crient,
Et leur oster ce mauuais Roy le prient,
Il ne les oyt, pource qu'ilz refuserent
Leur premier Roy, & l'autre demanderent.

Vn peuple aussi fol & sedicieux,
Qui n'est content d'un Roy bien gracieux,
Dieu luy enuoye un Roy qui le tourmente,
Dont il se plaint & faut qu'il s'en repente:
Blasme ce Roy & condamne ses faits,
Le premier louë & ses actes parfaits

*Guerre & tyrannie.*

*C'est grand' pitié s'on ne peult euitier
Guerre d'autrui, ou prince tyrannique:
Par armes l'un veult tout suppediter,
L'autre destruit le corps du biẽ publiq̃.*

Des Colombes & de l'Espreuier
leur Roy. Fable XVIII.

LEs Colombes auoient grand' guerre
Contre le Milan rauissant,
Ayde & secours voulurent querre
A vn autre oyseau plus puissant.

Pour leur Roy l'Espreuier eslurent,
A fin qu'il les voulüst deffendre,
Mais aussi tost que Roy fait l'eurent
Se print à raur & à prendre.

Non moins les tuoit ou mangeoit
Que le Milan leur aduerfaire:
En corps & biens les outrageoit,
Et leur estoit en tout contraire.

Le Roy qui se deuoit monstrier
Loyal deffenseur & amy,
Des qu'il vint au royaume entrer,
Feit plus de maux que l'ennemy.

Les Colombes par repentance
Dirent, nous aymons mieux souffrir
La guerre, que la violence
Que nostre Roy nous vient offrir.

Ainsi voit on qu'en tous costez
N'y ha rien qui soit bien heurieux
Telles sont les calamitez
Que souffrent les hommes par eux.



*N'estre corrompu par au-
cun don.*



*Qui se laisse corrompre
Des dons de l'ennemy,
Est en danger de rompre
La foy vers son amy.*

Du Larron & du Chien.
Fable XIX.

VN Larron vint pour desrober & prendre
En vn logis:& pour mieux entreprendre
Son larrecin,

Il iette vn pain au Chien de la maison,
Gouter n'en veult non plus que de poison
Tant il est fin.

Ne pense pas, dit le Chien tresloyal,
Qu'en la maison ie sceuffre faire mal:
Ie congnois bien
Que par ce pain tu me veux faire taire,
Garder me veux d'abayer & de braire,
Tu ne fais rien.

Penserois tu pour vn petit present,
Que tout le bien que ie garde à present
Ie laisse perdre?

Celuy qui fait telle desloyauté,
On le deuroit (& l'a bien meritè)
Brusler & ardre.

Tout seruitcur ou homme qui ha charge
Du bien d'autrui, n'en doit point estre large
A l'abandon.

Il est larron qui commet vn tel vice,
Et son seigneur destruit en son seruice
Pour petit don.



Promesse de faux amy.



*La promesse bien souvent
Est plus legere que vent:
Ou, pour proufit de celui,
Qui le promet à autrui.*

De la Truye & du Loup.

Fable XX.

VNe Truye cochonnoit:
Si venoit

Vn Loup, qui en sa finesse

Feit promesse

A la Truye de l'ayder,

Et garder

Les cochons à leur faillir

Sans faillir.

Lors luy respondit la Truye

Esbahie,

Quell' n'auoit de luy affaire

Necessaire:

Qu'il la vouloit deccuoir

Pour auoir

Ses Cochonnetz tans petis

Et gentilz,

Et luy pleust sans plus parler

S'en aller:

Car trop mieux en son absence

Qu'en presence

Ses petis cochonneroit,

Et seroit

En plus grande liberté

Et seurte:

Car ce fut pour son proufit

Ce qu'ell' feit.

En faux amy quoy qu'il die
Ne te fie.



*De grand vantance peu de
fait.*




*Celuy qui trop se vante & loue,
Et son fait ne vient à honneur,
On s'en rit, on s'en moque & ioue,
C'est le loyer d'un blasonneur.*

De l'enfantement des montaignes.

Fable XXI.

VN bruit courut iadis que les montaignes
Enfans portoient,
Dequoy trembloient vallées & champaignes.
Vne s'enfla, hommes s'espouentoient,
Et vindrent contre
De toutes parts l'environnant guettoient,
Ilz pensoient voir d'elle sortir vn monstre:
Dont tous periz.
Ilz s'estimoient, mais rien qui soit le monstre.
Or à la fin sortit vne Souris
Du creux d'icelle,
Dont ilz ont tous ietté plusieurs soufritz.
Ainsi est il de gloire temporelle,
Et d'un vanteur:
Car tout son feu se mue en estincelle,
Vn qui se loue & se nomme vainqueur
Pour donner crainte,
Au grand besoin luy faut courage & cœur.
Le mal aussi ne fait si grieue atteinte
Que la peur fait,
Ainsi aucuns ont peur pour vne feinte.
Du sot vanteur rien ne vient à effect
Par son beau dire,
Et le paoureux aussi sot en son fait
N'en fait que rire.

D



Amour faulx.



*Ceux sont loin de la verité
Qui pensent que l'amour soit bonne,
Quand l'amy à l'amy s'adonne
Seulement pour l'utilité.*

Du vieux Chien & de son maistre.

Fable X X I I.

Quelq seigneur auoit vn Chié bié vieux,
Qui fut iadis de tous chassant le mieux
Mais par vicillesse il fut tant affoibly,
Qu'il auoit mis toute chasse en oubly.

Ses pieds sont lents & tardifs à la chasse,
Et toutesfois son maistre le menasse,
Mais c'est en vain: le maistre ha beau parler,
Le pource Chien n'ha puissance d'aller.

Vn iour aux chāps laisse eschapper la beste,
Parquoy luy fait son maistre grand moleste,
Et le batit de parole & de coups,
Dont se complaint le Chien ainsi secoux:

En luy disant, Seigneur que penſes tu?
Je suis trop vieux, ie n'ay plus de vertu,
Pardonne donc à ma pource vicillesse:
Tu ne m'as pas ainsi fait en ieunesse.

Làs ie voy bien qu'à present suis destruit,
Rien ne te plaist s'il n'y ha quelque fruit,
Tu m'as aymé en ieunesse fertile,
Et tu me hays en vicillesse inutile.

Ton amour donc & son commencement
Tu mis en moy, pour ton auancement:
Et quand i'ay eu mon aage ainsi passé,
Je suis de toy trefinal recompensé.

D 2



*Bon courage contre la
peur.*



*Le bon & vertueux courage,
Vaut mieux quand ce vient au besoin,
Que l'habilité du corsage:
Le bon cœur ayde pres & loin.*

Des Lieures paoureux.
Fable XXIII.

PAr les grans vents vne forest ramee
Faisoit tel bruit que les Lieures craintifs
A s'enfuir furent prompts & hastifs,
Mais telle peur doit bien estre blasmee.

Lors qu'ilz estoient en ce point fugitifs,
Vn grand Marest ou vn estang trouuerent,
Et aussi tost qu'en ce lieu arriuerent
De plus grand peur deuindrent tous retifs.

Saillir en l'eau Grenouilles auiserent
Pour crainte & peur quilz leur auoient donné:
Car elles ont la riue abandonné,
Et au profond du palus se plongerent.

Vn Lieure lors qui n'est trop estonné,
Aux autres dit en parlant hardiment,
Que craignons nous? c'est craindre follemēt
Car nous auons courage effeminé.

Voyez vous pas ces Grenouilles cōmment
Ont peur de nous? prenons stabilité,
Noz corps sont prompts, & pleins d'agilité,
Courage fort nous reste seulement.

Il faut par tout courage & fermeté,
Vertu de force & humaine puissance
Ha peu d'effect sans la ferme constance,
C'est là ou gist l'entiere seurété.



Obeïſſance aux parens.



*Honore ton pere & ta mere
Si tu veux viure longuement,
Et fais leur bon commandement,
Ou tu souffriras peine amere.*

Du Loup & du Cheureau,
Fable XXIIII.


VNc Cheure alloit en pasture,
Pour y prendre sa nourriture:
Son Cheureau dens le tect enferme,
Luy commandant de poinct en poinct
Qu'à persone l'huys n'ouure point,
Et iusqu'à son retour fust ferme.

Le Loup ayant ouy cela,
A la porte du tect alla,
Feignnant de la Cheure la voix:
Ouurez, dit il, mon enfant doux,
Je veux entrer auecques vous:
Car i'ay assez esté au bois.

Le Cheureau respond, non feray,
La porte ne vous ouuriray:
Car ie voy bien par vn pertuys
Que vous estes vn Loup meschant,
Qui mon dommage allez cherchant,
Allez frapper à vn autre huys.

Ainsi le Cheureau se garda:
Il feit ce qu'on luy commanda.

Qui donc obeït aux parens,
Tout bien & tout honneur luy vient,
Aucun malheur ne luy suruient,
Telz exemples son apparens.



*Promesse par force ne se doit
tenir.*



*Force par force se repoulse,
Par le conseil ou par l'espee.
Fraude par la fraude est trompee:
Iamais trompeur n'acueillit mouffe.*

Du Cerf & de la Brebis.
Fable XXV.

VN iour le Cerf feit la Brebis venir
Deuant le Loup, & luy feit la demande
D'vn muy de bled, elle n'ha souuenir
De le deuoir, alors le Loup commande,
Pour euitter les despens & l'amande,
Qu'à certain iour elle payast la debte.
De peur du Loup ceste brebis s'endebte
S'oblige à force & promet à payer.
Le iour venu, le Cerf sans delayer
D'auoir le bled de la Brebis s'efforce:
Alors respond la pourette affligée,
Que par promesse elle n'est obligée,
Pource qu'elle ha esté faite par force.

• Selon le droit & toute Loy ciuile,
Quiconques fait par force vne promesse,
Ne doit tenir, car elle est inutile,
Quand en ce poinct on le contraint & presse.
Tout obligé de foy & lettre expresse
N'ha nul effect, s'il n'est en liberté.
Celuy qui est en prison arresté,
Ou est deuant vn Iuge furieux,
Il promet tout ce qu'on demande & mieux:
Et bien souuent le cas peult aduenir,
Que pour n'auoir quelque peine & dommage
On promet bien à son defauantage,
Mais le contract ne doit iamais tenir.



*Ne se fier en celuy qui ha desia
esté ennemy.*



*On ne se doit iamais fier
A cil qui ha rompu sa foy:
Combien qu'il te vienne prier,
De sa cautelle garde toy.*

Du Rustique & du Serpent.

Fable X X V I.

VN Serpent fut nourry chez vn Rustique;
 Qui ce pendant enrichit grandement,

Vn iour aduint que furieusement
 A ce Serpent il se courrouce & pique.

Il le naura en sa fureur inique,
 Dont le Serpent fuyt soudainement.
 Depuis vescu cest homme pourement,
 Quelque labeur qu'il face ou qu'il trafique.

Et ceste perte il estime venir
 Pour auoir fait au Serpent telle iniure,
 Parquoy le prie apres de reuenir.

Le Serpent dit, mon ainy ie te iure,
 Qu'en ta maison tu ne me peux tenir,
 Car ie voy bien que tu serois pariure.


Quant est du mal (dit le Serpent tres sage)
 Que tu m'as fait, ie le veux pardonner:

Mais ie ne veux avec toy retourner,
 Ie n'ay si lasche & debile courage.

Tu ne me peux apres ton grand outrage,
 Par ta promesse ou ta foy guerdonner:
 Si guerison ie me puis bien donner,
 Le souuenir durera tout mon aage,

Puis que tu m'as ià nauré & blessé,
 Ie ne veux point adiouter foy aucune;
 Car ton serment bien tost seroit froissé.

Quand on remet toute hayne & rancune,
 C'est grand' vertu d'un vouloir bien dressé,
 Tel cœur vaillant n'est subiet à fortune.



*A trompeur, trompeur &
demy.*



*Qui fait la tromperie
Tromperie luy vient,
Et en fin il conuient
Qu'on s'en moque & s'en rie.*

Du Renard & de la Cigoigne.

Fable

XXVII.

LE fin Renard conuia de souper
Vne Cigoigne, & pour mieux la trôper,
Sur vn trenchoir luy meit de la boullie,
De son long bec ne la pouoit happer:
Mais luy qui n'ha en finesse son per,
En la lechant sa pance en ha remplie.
Lors s'en alla la Cigoigne abusée,
Et pense d'estre autrefois plus rusée,
Et s'elle peult luy rendra la pareille.
Car ieu pour ieu, finesse pour finesse
N'est à blasmer quand au pareil s'adresse,
De le tromper adonques s'appareille.

Vn temps apres la Cigoigne inuita
Celuy Renard, vers lequel s'aquita,
En luy iouant vn beau tour de maistrise.
De verre cler la fiole apresta,
Et le menger dedens luy presenta,
Mais il n'y ha ne dent ne langue mise:
Tant seulement la lesche par dehors,
Sans que viande entrer puisse en son corps:
Il la void bien & meurt de faim aupres,
Et la Cigoigne en prend à sa plaifance.

Vn deceueur doit noter bien expres,
Qu'il est en fin deceu par deceuance,



Beauté & peu de sens.



*Beauté de corps est agreable,
Mais beaucoup plus est amyable
La beauté d'esprit & bon sens,
Qui nous reigle par faits decents.*

Du Loup & de la teste.
Fable XXVIII.

VN Loup chez vn tailleur d'ymages
Trouua entre maints personnages
Vne teste d'homme bien faite,
Et par l'art de l'ouurier parfaite.

Il n'en veit iamais de pareille,
Il la regarde & s'esmerueille,
Il la remue & touche aussi,
Puis apres il va dire ainsi:

O belle teste en artifice,
Je recongnois en toy vn vice,
Tu as de beauté grand' largesse,
Mais tu n'as ne sens ne sagesse.

La grande beauté d'humain corps,
Qui se demonstre par dehors.
N'est à louer, si avec elle
N'est science spirituelle.

Si de beauté sommes douez,
Nous n'en deuons estre louez,
Sinon qu'avec telle beauté
Fussent ioints prudence & bonté.

Car le fol quelque beau quil soit,
De s'en priser il se deçoit,
Sa folie imprudente & vaine
Est cause qu'on le tient en hayne.



*Ne se glorifier du bien
d'autrui.*



*Ne te vueille glorifier
Des biens d'autrui que tu detiens
Garde toy bien de t'y fier,
Rens les, car ilz ne sont pas tiens.*

Du Geay & des Paons.
Fable XXIX.

DEs plumes d'un Paon s'acoustra
Le Geay pour bien estre bien venu:
Glorieux & fier se monstra,
A fin quil fût plus cher tenu.
Se voyant ainsi parvenu,
Les autres Geays il laissa là,
Et avec les Paons s'en alla,
Qui voyans sa trop grande audace,
Le despouillerent en la place
Des plumes qu'il portoit sur luy,
Et le batirent en disant:
Telle peine est due à celuy,
Qui d'autrui bien se va prisant.

Qui se congnoit il ne s'estime
Pour les biens qu'il ha empruntez:
La honte qu'il ha le reprime
Et captive ses volontez:
Mais qui ensuit les libertez.
Sans prudence & discret conseil,
Se faisant aux plus grans pareil
Par son orgueil, souuent aduient
Que poure & souffreteux devient:
Car la raison ne permet point,
Que qui plus haut qu'il ne doit monte,
Soit long temps viuant en ce poinct,
Sans qu'il reconnoisse sa honte.



*Labeur vtile meilleur que
repos.*



*Qui vit chez soy des biens de gain
honneste,
Sans appeter tiltre d'autorité,
Il est en grande & ferme seureté
Plus que celuy qui hants honneurs
aqueste.*

De la Mouche & de la Formis.

Fable X X X.

LA Mouche en prenant son esbat,
 Eut à la Formis vn debat:
 Plus qu'elle noble se disoit:
 Comme vile la desprisoit:
 Disant, tu marches sur la terre,
 Et ie vole en l'aer par grand' erre.
 Tu habites en la cauerne:
 Avec les Roys ie me gouuerne.
 Tu manges bled, auoyne & orge,
 Et ie me pais à pleine gorge
 De viandes delicieuses.
 Les belles filles gracieuses
 Ie baise aussi en mon repos.

La Formis rompant son propos
 Luy dit, ie ne suis point vilaine,
 Si ie gaigne ma vie en peine:
 Il me suffit, ie suis contente.
 Ie suis stable, tu es vagante,
 Ie mange mes grains en grand' paix,
 Et du reste tu te repais.

L'homme prend exemple sur moy,
 Mais chacun te chasse de soy:
 L'huyet tu mourras de froidure,
 Ou par faute de nourriture:
 Sur moy donc ne te glorifie.

Car celuy est fol qui se fie
 En son cuyder, & viure pense
 Sans peine, labeur & science.



*Ne se comparer à plus grand
que soy.*



*Tout homme qui s'exaltera,
En fin humilié sera:
Mais celui sera exalté
Qui viura en humilité.*

De la Grenouille & du Bœuf.
Fable XXXI.

LEz vn estang quelque Bœuf cheminoit,
Et la Grenouille en ce lieu se tenoit,
Laquelle veit du Bœuf la grandeur haute,
Lors par orgueil s'enfle, se monstre & saute
Contre le Bœuf qui vers elle venoit.

Elle vouloit à luy s'equiparer
Et comme grande & forte preparer:
Son filz luy dit ainsi que bien apris,
Mere sachez que n'estes rien au prys
De ce grand Bœuf, pour vous y comparer.
Ce nonobstant la Grenouille s'enfla,
Et d'un despit contre le Bœuf souffla.
Son filz luy dit, mere vous creuerez,
Et de ce Bœuf victrice ne ferez.
Mais à ce mot de plus en plus ronfla.

Par fier desdain & ire qui surmonte
Le iugement, & àueugle la honte,
Enfla son ventre, & sur piedz se leua:
Mais tout soudain par le mylieu creua,
A ce moyen fut bien loin de son conte.

On voit cela bien souuent aduenir,
Que le petit qui se veult maintenir
Comme les grans, toute honte & dommage
Tombe sur luy à son desauantage,
Et à bon droit meschef luy peult venir.



Contre simulation.



*Celuy qui se monstre ennemy
De cœur, sans simuler & feindre,
N'est tant à euter & craindre,
Que celuy qui est faux amy.*

Du Lyon & du Cheual.
Fable XXXII.

DEdens vn pré le Lyon rencontra
Vn beau Cheual qu'il vouloit deuorer,
En medecin par feinte s'acoustra,
Prompt & sauant en tel art se monstra,
Puis le salue à fin de l'attirer,
Disant : Amy ie te veux desirer
Ioye & santé au grand mal qui t'opresse:
I'ay le sauior & congnoissance expresse,
Contre tous maux en donnant guerison.
Lors le Cheual qui congnut la finesse,
A telle fraude vne autre fraude dresse
Pour se garder, & le met à raison.

Le suis ioyeux respondit le Cheual
Qu'estes venu maintenant si à poinct,
I'ay vne espine au pied qui me fait mal,
Qui s'y est mise en passant par ce val.
Puis que sauez tel art de poinct en poinct
Ostez la moy, & ne me blessez point.
Lors il leua la iambe de derriere,
Et au Lyon donne vn coup de carriere
Parmy le front, tandis qu'il regardoit:
Lequel voyant si subtile maniere
Dit, C'est raison que deshonneur acquiere,
Qui entreprend plus outre qu'il ne doit.

E 4



*N'estre orgueilleux pour pro-
sperité.*



*Plusieurs sont de cœur esleuez
En orgueil, & cherchent leur gloire,
Par la faute d'estre esprouuez,
Et n'auoir d'eux mesmes memoire.*

Du Cheual & de l'Asne.

Fable XXXIIL

Bien acoustre de frein, de selle & bride,
 Vn beau Cheual marchoit sans quelque
 En hanissant par fierté de courage, (guide
 Si rencontra d'aventure au passage
 Souz vn grand faix vn pource Asne basté,
 Qui ne s'est point pour le Cheual hasté
 De faire voye, & le Cheual par ire
 En escumant luy commença à dire:
 Asne meschant, & vilain, comment est ce
 Qu'encontre moy prens chemin & adresse?
 O paresseux ne scais tu point l'honneur
 Qu'il couient faire à ton maistre & seigneur?
 Recule toy lors que ie passeray,
 Ou par vengeance au pieds te fouleray.
 L'Asne obeit. Or apres il aduint
 Que le Cheual vieux & foible deuint,
 Ses aornemens son maistre luy osta,
 Et au charroy des champs le deputa:
 Et le voyant l'Asne ainsi mis au bas,
 Et qu'il portoit pour selle d'or vn bats,
 Menant aux champs le fiens & l'ordure,
 Luy dit, amy, d'ou vient ceste aventure?
 Ou est ta selle? ou est ton frein doré?
 Et ton harnois richement decoré?

Ainsi, amy, à l'orgueilleux aduint,
 Qui en la fin pource & meschant deuient
 Et est moqué, contemné & repris
 De ceux qu'il ha iadis mis en despris.



Salaire de desloyauté.



*Celuy qui en prosperité
Participe avecques les siens,
Doit aussi apres tant de biens
Avoir part à l'aduersité.*

Des Oyseaux & des Bestes.
Fable XXXIII.

LEs Oyseaux liurerent bataille,
D'estoc & taille
Aux Bestes qui sont sur la terre :
Chacun ha de vainere esperance
Et assurance,
Aussi chacun des deux craint guerre.
La Chauuesouris non experte,
Craignant que perte
Vint aux Oyseaux, les delaisa.
Aux bestes elle s'alla rendre,
Leur party prendre,
Ainsi sa loyauté froissa.

L'Aigle avec les Oyseaux volans,
Tous bataillans,
Eurent sur les bestes victoire:
Dont il s'ensuyuit en fin bresue,
La paix, & trefue,
En tout pais & territoire.

La Chauuesouris par son fait,
Et grand meffait,
Pource que son peché luy nuict,
Ne fut en ceste paix comprise,
Mais fort reprise:
Depuis ne vola que de nuict.



Le loyer d'envie.



*La vie envieuse,
Est pernicieuse,
A son propre auteur,
D'envie inventeur.*

Du Loup & du Renard.
Fable XXXV.

EN son terrier iadis vn Loup estoit
Gras & refait, plein de biens & de proye:
Et le Renard, qui telz biens appetoit,
Ainsi qu'vn iour ce Loup il visitoit,
Luy demanda pourquoy n'estoit en voye:
Pourquoy aussi menoit vie si coye:
Le Loup voyant qu'il est de ce repos
Si enuieux, dit qu'il est mal dispos.

Ce fin Renard voyant qu'il ne peult faire
Finesse au Loup, s'en va vers vn Pasteur
Auquel il dit, tu peux ores deffaire,
Tuer, meurdrir le Loup ton aduersaire.

Vien t'en venger ie suis ton conducteur,
Vela le lieu, ie ne suis point menteur:
Le Pasteur entre, & tout de prime face
Il rend le Loup roide mort en la place.

Ioye de mal n'ha pas longue durce:
Quand Renard eut les biens du Loup mangé,
En s'en allant en malice assuree
De Chiens chassans fut sa chair desirée,
Et son peché fut lors sur luy vengé:
Se voyant donc iusqu'à mort outragé
Dit, i'ay failli, ainsi puny dois estre.

Toufiours peché tombe dessus son maistre.



Folle opinion.



*Les choses qui sont à fuir,
Voluntiers nous les appetons,
Et bien souuent nous regrettons
Ce qui est bon pour en iouyr.*

79

D E S O P E S

Du Cerf qui se veit en la Fontaine. Fable XXXVI.

EN la clere Fontaine
Vn Cerf se regardoit,
Et la grandeur hautaine
Des cornes estendoit.

Ses cornes donc prisâ,
Pour leur force & hauteſſe:
Ses iambes desprisâ,
Pour leur ſeiche maigreſſe.

En ce fol iugement
Le Veneur vient bien viſte,
Plus que vent vchement
Le Cerf ſe met en fuyte.

Les chiens le vont ſuyuant:
Mais comme d'aventure
Le Cerf ſe meit auant
En la Forest obſcure,

Ses cornes ſe meſlerent
Es branches de ce bois,
En ce lieu l'arreſterent
Suiuy de tant d'aboïs.

Ses iambes loüe alors,
Et ſes cornes despriſe,
Qui ont fait que ſon corps
Soit de ces Chiens là priſe.

Ainſi ou nous penſons
Auoir felicité,
Par contraires façons
Trouuons aduerſité.



*Ne prendre noise à plus fort
que soy.*



*Regarde bien deux fois comment
Tu commenceras quelque chose.
Qui pour autrui nuire s'expose,
Reçoit en fin son payement.*

Du Serpent & de la Lime.
Fable XXXVII.

VN Serpent de toute force
Si s'efforce
Pour vne Lime ronger.
Alentour sa queue ha torce
Se renforce,
Et la cuide en fin menger.
Cuide tu rompre & changer
Abreger
Mon dur fer, ce dist la Lime?
L'acier qui se fait forger,
Trop léger
Contre mon pouoir i'estime.
Que fais tu meschante beste,
Dents & teste
Rompras ains que me greuer.
Qui blesser autrui s'apreste,
Et s'arreste
Il voit sa force acheuer.
Auant donc que d'estriuer
N'esleuer,
Regarde à qui tu prens guerre:
Et vueille noise escheuer,
Ou priuer
Te verras d'honneur acquerre.

F



Se deffier des ennemys.



*Si tu fais paix à l'aduersaire,
Ta prudence ne soit trompee:
Ne luy baille pas ton espee,
Elle t'est tousiours necessaire.*

Des Loups & des Brebis.

Fable XXXVIII.

LEs Loups ont eu de toute antiquité
 Guerre aux Brebis, & bataille mortelle:
 Fondée estoit sur faulx iniquité,
 Mais les Brebis pour garder leur querelle
 Prindrent des Chiens, & deffous leur tutelle
 Et sauuegarde elles se font reueues,
 Pour estre mieux des meschans Loups veuees:
 Qui ce voyans feirent guerre mortelle
 A ces Brebis, ilz feirent paix fourree,
 Leurs Louveteaux baillerent pour ostage:
 Et les Brebis par fiance assuree
 Baillent aux Loups à leur desauantage
 Leurs tresbös Chiës, mais ce fut leur domage:
 Car peu apres la guerre releuerent,
 Les Louveteaux aussi fort les greuerent,
 Quand paruenus ilz furent en grand aage.

Les Brebis donc de leurs Chiens deffaisies
 Eurent l'assaut de ces Loups tant meschans,
 Furent par eux les plus grasses choisies,
 Quand les trouuoiet en l'estable ou aux chäps.

Ceux donc q vö: la trefue, ou paix, cherchäs
 A l'ennemy ne baillent leur deffence:
 Car par apres seuffrent plus grieve offence,
 Et sont batus de leurs glaiues trenchans.



Estre cause de son mal.



*Qui se met en subiection
D'antruy en luy faisant service,
Souuent pour vn tel benefice,
Il reçoit sa destruction.*

De la Forest & du Rustique.
Fable XXXXI.

I Adis vne homme de village
Auoit vne bonne Coignee,
Et pour la faire à son vsage
Et luy bailler vne poignee,
En vne Forest s'en alla,
Et aux arbres d'illec parla,
En leur deman dant quelque branche,
Pour faire à sa Coignee vn manche,
Ce qui luy fut bien tost permis:
Mais quant elle fut emmanchee,
La Forest par terre il ha mis,
Toute coupee & detranchee.
La Forest sentant ceste attainte,
Et que ce mal souffroit par elle,
Fit pitueusement sa complainte,
Contre malice si cruelle.

A faire plaisir maints s'apprestent,
Et de leur bien à autrui prestent,
Dont ilz sont mal recompensez,
Et en la fin tres-offensez.
Il aduient maintesfois aussi,
Qu'un homme sot ou vn testu
Baile à son ennemy ainsi
Le baston dont il est batu.



Amytié & société humaine.



*Comme il y ha société
Entre le Ventre, Pieds & Mains,
Ainsi sans contrariété,
Doit estre entre tous les humains.*

Des Membres & du Ventre.

Fable XL.

VN iour s'esmeut à tort & par excès,
 Vn grand debat & dangereux procès,
 Des Pieds & Mains alencontre du Ventre,
 Luy reprochans que dedens son sac entre
 Tout leur labeur, voire du bien autant
 Qu'ilz en gaignoient, & n'estoit point cõtent:
 Dont à la fin se voulurent distraire
 De luy bailler le viure necessaire.
 Le Ventre crie & demande à menger,
 Les Pieds & Mains ne s'y veullent renger:
 Par la faim donc quil auoit enduree,
 N'estoit possible auoir plus de duree,
 Son sang, ses nerfz s'en vont affoiblissans,
 Et quant & luy les membres perissans.
 Lors les deux Mains lassées de tant souffrir,
 Boire & menger luy voulurent offrir:
 Mais c'est trop tard, car en brief il fina,
 Et quant & quant les Membres ruina.

Tout ainfi donc qu'un mēbre ha son recours
 A l'autre membre, en demandant secours;
 Par mutuelle & tresbonne amytié,
 Deuons auoir l'un de l'autre pitié.

F 4



Contre richesse superflue.



*Superfluité
Doit estre trenchée.
Richesse cachée
Produit pourreté.*

Du Singe & du Renard.
Fable XLI.

LE Singe ingenieuse beste,
Feit au Renard vne requeste,
De luy donner par amytié
De sa queue vne grand moytié,
Pour seruir à couvrir ses fesses.
Le Renard tout plein de finesse,
De ce faire fut refusant,
Et s'excusat en luy disant,
Que sa queue ne luy nuysoit
Comme le Singe luy disoit,
Et combien qu'elle feust crotée
Ne seroit point par luy ostée.

Plusieurs sont au Renard semblables,
Qui ne sont pas plus amyables:
Et ce qu'ilz ont plus d'abondant
Le refusent au demandant,
Par vn desir d'amour extreme,
Qui ne veult du bien qu'à soy mesme,
En laissant perir & gaster
Ce qu'à autrui peult proufiter.

F s.



Fortune reiette les craintifs.



*Le trop couard, craintif, de s'esperé
De son salut n'est iamaïs assureé,
Soit chez autrui, ou qu'il soit chez le
sien.
Eschappé n'est qui trayne son lien.*

Du Cerf & des Bœufz.

Fable XLI.

VN Cerf fuyoit deuant les Chiens courans,
 Pour se sauuer se met en vne estable,
 Leans estoient plusieurs Bœufz demourans,
 Si leur requiert qu'on luy soit fauorable,
 Et qu'on permette en ce lieu secourable
 De se mussier, l'un des Bœufz luy va dire,
 Tu n'es pas bien, il n'est point de lieu pire
 Que cestuy cy, pour y trouuer mercy:
 Car si tu es trouué caché icy,
 Tu souffriras la mortelle pointure.
 Le Cerf fuytif de crainte tout transy
 Y demoura, print le hazard aussi
 De vie ou mort pour derniere auenture.

Le seruiteur pour appaiser la faim
 De tous ces Bœufz, leur vint donner repas.
 Le Cerf estoit caché dedens le foin
 Si tres auant qu'il ne le trouua pas:
 Le maistre aussi vint apres pas à pas,
 Lequel ainsi que dens le foin cherchoit,
 Trouua le Cerf qui deffouz se cachoit,
 Là il fut pris & occis tout à l'heure.

Vn malheureux en vain cherche & labeure
 Pour se sauuer, il est en la fin pris,
 Mais c'est par luy qui ne tient voye seure,
 Et n'y ha lieu qui le cache où assure,
 Puis que Fortune ha sur luy entrepris.



Dieu ne peult estre deceu.



*A l'heure que nous pechons,
Des hommes nous nous cachons:
Mais tant soit secret le lieu,
N'y ha rien caché à Dieu.*

De deux adolefcens.

Fable XLIII.

DEux ieunes Filz feirent semblant
De marchander quelque viande.
L'un affeuré & non tremblant,
Ce pendant que l'autre marchande,
Defrobe vne piece de chair,
Et à son compagnon la liure,
Souz son manteau luy fait cacher:
A fin qu'apres en puiſſe viure.

Le Cuyfinier la demandant,
Tous deux ignorent ſur ce pas,
Le Larron fut lors reſpondant,
En diſant qu'il ne l'auoit pas.
Le receleur en s'excuſant
Luy dit, qu'il ne l'auoit pas priſe.
Ainſi vont ceſt homme abuſant,
Sans trouuer deſſus eux reſpriſe.

Le Cuyfinier voyant la feinte,
Et qu'il ne la pouoit rauoir,
L'adreſſe (dit il) ma complainte,
A celuy qui peult tout ſauoir:
Le Larron m'eſt ores caché:
Mais Dieu qui voit & pres & loin,
Congnoit aſſez voſtre peché,
Et en eſt le Iuge & teſmoin.



Estre sage à ses despens.



*Vn homme qui ha fait l'espreuue,
Et la certaine experience,
Croyez que plus sage il se treuue,
Et plus subtil en sa science.*

Du Chien & du Boucher.

Fable XLIIII.

VN Chien gourmand de l'estal d'un Bour-
 Si emporta vne piece de chair, (cher
 Puis il se print à fuyr & marcher
 En course experte:
 Et le Boucher marry de ceste perte,
 Et que de luy ne sera recouuerte,
 Crie apres luy en voix claire & apperte:
 O larron Chien
 (Dit il) tu prens & emportes mon bien,
 Vne autrefois me garderay si bien,
 Et sagement, que n'emporteras rien.
 Soudainement
 T'en es fuy sans craindre aucunement
 Punition, bature & frappement,
 Comme il t'est deu à droit & iustement,
 Mais ie seray
 Plus diligent, car ie te guerteray,
 Et si tu viens de toy me garderay,
 Vn plus grand soin dessus mon fait i'auray.
 Perte & dommage
 Enseigne l'homme, & le fait estre sage,
 Apres qu'il ha esté prins au passage,
 Aumoins s'il ha de raison quelque vsage:
 Car imprudent & fol celuy seroit,
 Qui plusieurs fois tromper se laisseroit.



Contre les faux tesmoins.



*Le commandement de la Loy
Condemne tout faux tesmoignage:
En faux tesmoin n'ha point de foy,
Garde toy de luy comme sage.*

Du Chien & de la Brebis.

Fable XLV.

EN plein iugement,
Frauduleusement,
Le Chien feit demande,
De pain & viande
A la Brebis douce:

Qui trop se courrouce,
Comme non contente,
De debte innocente,
Et respond au Chien,
Que ne luy doit rien.

Le Chien enuieux,
Tres malicieux,
Amene à leur tour
Le Loup, le Vaultour,
Le Milan aussi,
Qui ont dit ainsi,
Par foy tesmoignage,
Qu'elle doit & gage,
Le pain demandé:
Alors commandé,
Lut fut de payer
Sans plus delayer:
Donc ainsi iugée,
Du Chien fut menagée:
Car le pain n'auoit,
Que payer deuoit.
Par tel faux rapport,
On luy feit ce tort.



S'accompagner des bons.



*Avec le saint, saint tu seras,
Mais avecques l'homme peruers,
Ta bonté tu peruertiras,
Car ilz font actes tous diuers.*

De l'Agneau & du Loup.

Fable XLVI.

LE Loup rencontra vn Cheureau,
 Comme il alloit cherchant sa proye,
 Auec luy estoit vn Agneau,
 Auquel dit en parole coye:
 Pourquoi t'es tu mis en la voye
 Auec ce vilain Bouc puant,
 Qui te meine comme vn truant?
 Laisse le là, il est trop laid,
 Et t'en viens sucer le bon lait
 De ta mere qui là t'attend.
 Lors luy monstra vn lieu latent
 De bois obscur, en esperance,
 Qu'à l'y mener il fera tant,
 Que de luy remplira sa pance.

L'Agneau qui ce grand Loup regarde,
 Luy dit, ma mere m'a cominis
 A ce Cheureau, qui m'a en garde
 Encontre tous mes ennemys:
 Tu t'es en vain en peine mis
 Pour m'emmener, il vaut trop mieux
 Suyure ce Cheureau gracieux,
 De qui n'auray aucun domage,
 Que toy qui es tout plein d'outrage.

Car auec les bons on est bien,
 Mais auec les malins courages,
 On ne peut proufiter de rien.



*Mutation d'estat ne peult muer
les mœurs.*



*A grand peine sauroit on faire
D'un Chahuan un Esprenier,
Et qui se pense contrefaire,
Ne peult à son blasme obuiet.*

De la Chate muee en femme.

Fable XLVII.

VN Iouuenceau trop fol & mal appris
 Fut de l'amour d'une Chate surpris
 Qu'il nourrissoit, voire si ardemment
 Qu'il supplia affectueusement
 Venus, à fin qu'elle muaſt icelle
 Chate amoureuse en tresbelle pucelle:
 Venus voulant plaire au vouloir infame
 Du Iouuenceau, lors transmuua en femme
 La beste mue, & la feit accomplie
 Au fait d'aymer, & de beauté remplie.
 Le ieune amant adonc se refiouist,
 Et de la dame à son aise iouist:

Mais il aduint que pour ſauoir ſi elle
 Eſtoit en mœurs femme bien naturelle,
 Venus laiſſa paſſer vne Souris
 Par deuant elle, ô qu'il y eut de ris!
 Icelle femme auſſi toſt qu'elle veit
 Ceſte Souris, elle la pourſuyuit
 En oubliant ſa beauté corporelle,
 Et enſuyuant ſa vertu naturelle:
 Donques Venus de cela deſpitée
 Sa forme humaine alors luy ha oſtée.

Ainſi aucuns qui font mutation
 De leur eſtat, ſont en complexion
 Si deprauez que de tout bien s'eſtrangent,
 Et leur malice en bonté point ne changent.



Ayder l'un à l'autre.



*Charité ne quiert point le sien,
Mais tant seulement luy suffit
De faire à autrui quelque bien,
Tant peu luy chaut de son proufit.*

De l'Asne & du Cheual.

Fable XLVIII.

VN Villageois menoit en vne foire,
L'Asne basté de son faix trop chargé,
Et vn Cheual plein d'orgueil & de gloire,
Lequel estoit de tout poix deschargé:
L'Asne trop las de sa charge pesante,
Prie au Cheual que secours luy presente,
Ou qu'il faudra que souz le fardeau meure:
Mais le Cheual ayde & secours luy nie,
L'Asne mourant souz la charge demeure,
Faute d'auoir meilleure compaignie.

Le Villageois voyant l'Asne abbatu
Prend le fardeau, le met sur le Cheual,
Auec cela il fut tresbien batu,
Et à bon droit il receut double mal.
Helàs (dit il) moy pource miserable,
Qui n'ay esté à l'Asne secourable,
Le mal que j'ay ie l'ay bien merité.

Quiconques veult à autre auoir recours,
Quand il le voit en la necessité,
Du bon du cœur luy doit donner secours.

G 4



Hanter gens de bien.



*Les meschans & les vagabons
Gastent cestuy là qui les hante,
Mais qui conuerse avec les bons
Ne peult mener vie meschante.*

Du Foulon & du Charbonnier.

Fable XLIX.

VN Charbonnier maintesfois inuita
 Quelque Foulon pour demourer ensēble,
 Mais le Foulon par responce euita
 Vn tel logis qui propre ne luy semble,
 Car (disoit il) ton mestier ne ressemble
 En rien au mien, on le voit par effect,
 Et aurois peur que ce que i'aurois fait
 Beau, net & blanc, apres l'auoir mouillē,
 Par ton charbon qui la blancheur deffait,
 Ne fust bien tost tout gastē & souillē.

Les gens de bien nous deuons honorer,
 Et les hanter en tout temps & saison:
 Avec meschans ne deuons demourer,
 Car deshonneur habite en leur maison.
 Fuyons donc ceux qui n'vsent de raison:
 Leur compaignie est pire que la peste.
 Suyuez des bons la compaignie honneste,
 Vostre vertu tousiours s'esclaircira:
 Si vous suyuez personne deshonneste,
 Vostre renom tant plus s'obscurcira.

G 5



Qui trompe autrui il se deçoit.



*Qui tâche à autrui decevoir
Soit par fraude ou par menterie,
On le voit en fin recevoir
Le loyer de sa tromperie.*

De l'Oyseleur & du Serpent.
Fable L.

VN Oyseleur vn iour alloit
Chasser oyseaux à la pipee,
Il veit vn Coulom qui voloit,
Dont il pensoit faire gripee.
Le Coulom sur l'arbre se perche
L'Oyseleur y va ses retz tendre,
Qui les poincts & les moyens cherche,
Comme il pourra le Coulom prendre.

Ainsi quil estoit d'auenture,
En aguet, vn serpent caché
Luy feit au pied griue pointure,
Car il auoit sur luy marché.

O miserable que ie suis!
(Dit l'Oyseleur) lors que ie pense
Surprendre autruy, las ie ne puis,
Car vn autre me fait offense.

J'auois à mon cas bien pourueu,
Pour prendre l'Oyseau en ma ret,
Mais j'ay esté à l'impourueu
Detenu & mis en arrest.

Homme qui veut homme tromper,
Et fait à autruy vne fosse,
On le voit en fin attraper,
Et tomber en ruine grosse.



*Le conseil merite la peine
du fait.*



*Le conseil donné de mal faire
N'ha moindre peine merité,
Que le malfait de l'aduersaire,
Car ilz sont d'une qualité.*

De la Trompette de Guerre.

Fable LI.

VN qui sonnoit la trompette à la guerre
Fut au combat prins par les ennemys,
Comme captif on le lie, on le serre,
Lors il se print à humblement requerre
Qu'en liberté il fust par eux remis:
Car (disoit il) ie n'ay homme à mort mis,
Et contre aucun ie n'ay porté les armes,
Ny ie ne veux. lors disent les gensdarmes,
Tu n'occis point, mais tu donnes l'assaut
En prouoquant les conflicts & alarmes,
Lés durs combats, & les mortelz vacarmes,
Ainsi plusieurs meurent par ton deffaut.

Aucuns aussi par leur conseil meschant
Pechent autant que les executeurs.
Quiconques va le mal d'autrui cherchant,
Soit qu'il ne frappe avec glaiue trenchant,
Mais de sa langue, ainsi que les menteurs,
Semblablement tous calumniateurs
Conseillans mal, ne sont moins à blâmer
Que les facteurs, moins on les doit aymer:
Car la pluspart est cause des malfaits
Et telles gens sont bien à diffamer,
Dont le conseil qu'on doit desestimer
Ne vaut pas mieux que les meschans effects.

*Liberté.*


*Liberté est souvent bannie
Des hauts lieux, & royales courts:
Car sa puissance est là finie,
Et servitude y ha son cours.*

Du Loup & du Chien.

Fable LII.

DEdens vn bois tout semé de verdure,
 Vn Loup trouua quelque Chié d'aue-
 Qu'il salua, l'interrogant de fait, [ture
 Comme il estoit si gras & si refait,
 Le Chien respond, ie flate ainsi mon maistre,
 Lequel me donne assez bien à repaistre
 Des bons morceaux de sa table tant grasse;
 Et qui plus est, i'ay l'amour & la grace
 De tout chacun. O que tu es heureux!
 (Ce dit le Loup) & moy trop langoureux.
 Lors dit le Chien, Amy laisse ces bois
 Et viens loger au lieu là ou ie vois,
 Chez mō seigneur: lors ilz s'en vont ensemble,
 Et en allant, le Loup dit: Il me semble
 Qu'au col tu as vn colier, pourquoy est ce?
 C'est (dit le Chien) vn colier qui m'opresse,
 Et qui resiste à la ferocité,
 Que ie soulois auoir en liberté.
 Le temps passé ie soulois les gens mordre:
 Mais mon seigneur y ha mis si bon ordre
 En m'enchainât, que i'en suis bien plus doux.
 J'ayme mieux estre au bois avec les Loups,
 (Ce dit le Loup) en liberté planiere,
 Qu'estre captif en si dure maniere:
 Certes l'amour de ton maistre est trop rude,
 Je ne veux point de telle seruitude.

Petit seigneur sur peu est plus notable,
 Qu'un grand subiet repeu en riche table.



*Estre humain entre les
siens.*



*Qui vers les siens monstre sa cruauté.
A grande peine aura il loyauté
Aux estrangers, & chacune personne
Doit on fuir, qui aux siens ne pardõne.*

2 D I E S O P E R E 113
Du Laboureur & des Chiens.


Fable. LIII.

VN Laboureur l'hyuer durant,
Grand' necessité endurent,
Pour le fort temps qui lors estoit,
Mengea ses Brebis & Agneaux,
Cheureaux, Cochons & ieunes Veaux,
Pour la faim qui le tourmentoit.

Quand tout cela fut deuoré,
Que rien ne luy est demouré,
Fors que les Bœufz de sa charrue:
Nonobstant leur labeur rustique,
Oubliant son gain & pratique,
En la fin pour manger les tue.

Ses Chiens les voyans mourir tous,
Disoient ainsi : Que ferons nous,
Puis que nostre maître inhumain,
N'espargne non plus qu'aduersaires,
Les bestes qui sont necessaires?
Gardons de tomber en sa main.

Si tu es comme mercenaire,
Aucc vn homme debonnaire,
Ton loyer de luy tu prendras:
Mais avec vn fol courageux,
Aux siens cruel & outrageux,
Ta vie & ton gain tu perdras.



*S'apriuoiser avec les estran-
gers.*



*Tout ce qui n'est hanté
Est trouué bien estrange,
Mais s'il est frequenté,
L'opinion se change.*

Du Lyon & du Renard.
Fable LIIII.

LE Renard au chemin trouua,
Le Lyon beste fort terrible:
Qui luy sembla si treshorrible,
Que de grand' peur fuyt & s'en va.

Il le trouua secondement,
Vne autrefois dont il eut crainte:
Mais non pas de si forte attainte,
Qu'il auoit eu premierement.

La tierce fois le rencontra,
Donc pour l'auoir veu si souuent,
Il meit hardiesse en auant,
Et sans peur à luy se monstra.

Auecques luy se meit en voye:
Lors il le trouua si priué,
Que d'estre vers luy arriué,
Il eut grande liesse & ioye.

S'apriuoiser est difficile:
Mais quand on ha prins congnoissance,
L'amitié prend pleine croissance,
Et le hanter en est facile.

L'accoustumance en plusieurs lieux,
Auec les grans nous apriuoise:
Lesquelz nozions de peur de noise,
Regarder entre les deux yeux.



*Les moindres peuvent nuire
aux grans.*



*L'homme de condition basse,
Peult nuire à vn plus grand que soy,
Son dommage donc ne conçois,
Qu'vn mal plus grand ne te pourchasse.*

Del'Aigle & de la Renarde.

Fable L V.

L'Aigle qu'on dit le Roy de tous oyseaux
 Vn iour trouua des petis Renardeaux
 Hors du terrier, & des ce qu'il les veit,
 Pour son butin il les print & raut,
 Et s'enuola avecques ceste proye
 Dedens son nid: la Renarde s'effroye,
 D'auoir perdu ses Faons, & s'escrie,
 Et humblement ceste grande Aigle prie
 Les rebailier, dont l'Aigle ne tint conte:
 Ceste renarde en sa colere monte,
 Et par courroux fut tellement fachee,
 Qu'au pied de l'arbre ou l'Aigle estoit nichee
 Feit vn grand feu, & disoit la Renarde:
 Or maintenant de ce peril te garde,
 Toy & les tiens, le feu l'arbre enuironne,
 Dont l'Aigle ha peur, se complaint & estonne
 Pour ses petis qu'elle ne peult sauuer.

Ne sachant donc nul remede trouuer,
 A la Renarde elle requiert pardon,
 Pour ses oyseaux qui sont en l'abandon,
 Du feu ardent. Lecteur icy ie prens,
 L'aigle volant pour les riches & grans,
 Et la Renarde aussi pour les petis,
 Dont les grans sont souuent assubiectis:
 Car quand on fait aux pources quelque offense,
 Pour s'en venger trouuent bien leur deffense.

H 3



*Porter la peine pour les
mauvais.*



*Avec les meschans ne te mets
Vueille toy d'iceux eſtranger,
Qu'il ne t'en vienne aucun danger,
Tel l'achete qui nen peult mes.*


Du Laboureur & de la Cigoigne.

Fable LVI.

VN Rustique,
Si s'applique,
A prendre aux retz à couuert
Grues coyés,
Et les Oyes,
Qui mengeoient son bled en verd.
Oyes, Grues
Retenues
Furent aux rets & ficelles,
La Cigoigne,
Ne s'eslongne,
Mais fut prinse avec icelles:
Salut quiert,
Et requiert,
Au Laboureur sa franchise,
Point ne pense,
Quelque offense,
Avoir contre luy commise.

Tu mourras,
Et n'auras
(Dit le Laboureur) mercy,
Qui s'y treuve,
Il espreuve,
Qu'à chacun on fait ainsi.

H 4



*Chercher occasion de mal
faire.*



*Le mauvais qui cherche la mort
D'autrui, ou luy faire dommage,
S'il n'a par droit quelque avantage,
Toutesfois le fera à tort.*

Du Chat & du Poulet.
Fable L VII.

VN Chat plein de feintise,
Rempli de friandise,
Print vn Poulet d'assaut:
Par vn tour de maistrise,
Sur luy la pate ha mise.
Disant, Mourir te faut,
Car tu cries si haut,
Que chacun en tressaut
A mynuit, i'en suis seur:
Puis tu es vn ribaut,
Indestueux, si chaut,
Qu'à monter ne te chaut,
Sur ta mere ou ta sœur.

Le Poulet s'en excuse
Disant ainsi, i'en vse
Par la Loy naturelle.
Mais le Chat plein de ruse,
Sa response refuse,
Comme beste cruelle:
Et pour ceste querelle
Luy fait playe mortelle,
Puis son ventre s'en sent.

Tout ainsi par cautelle,
Et calumnie telle,
L'homme meschant flagelle,
Et destruit l'innocent.



La mauuaistié d'enuie.



*Enuie deuient toute seiche
De voir quelqu'vn bien à son aise:
Rien ne voit qui ne luy desplaise
Du bien d'autrui, tant elle peche.*

Du Chien enuieux & du Bœuf.

Fable LVIII.

VN enuieux Chien,
 Sur du foin estoit,
 Qui n'estoit pas sien,
 Et s'y arrestoit:
 Là se transportoit
 Vn Bœuf pour repaistre,
 Le Chien fait du maistre,
 Et luy deffendit.
 Lors le Bœuf ha dit:
 O meschante enuie,
 Qui m'ostes ma vie,
 O facheux danger,
 Ta gueurle allouue
 N'en sauroit menger.

Ainsi l'Enuieux
 D'autrui mal desire,
 Sans qu'il en ayt mieux:
 Mais plustost empire,
 Si quelqu'un aspire
 Au bien qu'il attend,
 L'enuieux y tend,
 Et s'il peult resiste:
 Sinon il est triste,
 Soit richesse, auoir
 Lettres & fauoir,
 Beauté assouue,
 S'il n'en peult auoir,
 Encor il l'enuie.



*L'innocent est toujours
foulé.*



*L'innocent
Entre cent,
Et pour tous
Ha les coups.*

De la Corneille & de la Brebis.

Fable

LIX.

VNé Corneille se iouoit
Sur le dos d'une Brebis douce,
Elle trepignoit & marchoit
Si rudement qu'elle fachoit
Ceste Brebis, qui se courrouce,
Disant, Si par telle secousse
Tu fachoies le Chien, ie t'assure
Que tu aurois grieve morsure.

Je sçay bien (ce dit la Corneille)
A qui ie me ioue & m'esbas,
Car les paisibles ie refuseille,
Et les innocens ie traucille,
A leur simplessie ie combas:
Mais aux mauuais ie ne debas,
Je sçay bien ce qui en seroit,
Car le Chien se reuancheroit.

Ainsi le doux & simple porte,
Tout le faix & toute la charge:
Mais le mauuais qui ha main forte
On le soulage, on le supporte,
On n'ose luy faire dommage:
Par ainsi il ha l'auantage:
Il tient le mylieu & le bout,
Et l'innocent endure tout.



*Se contenter des dons de
Dieu.*




*Les graces sont de Dieu infuses,
Et aux personnes diuisees:
Elles doiuent estre prisees,
Quand elles ne sont point confuses.*

Du Pan & du Rossignol.
Fable LX.

LE Pan à Iuno consacré,
Se plaignoit à celle Deesse,
Qu'il n'auoit pas le chant à gré,
Doux & plaisant: plein de liesse,
Et que le Rossignol l'auoit:
Car tant bien chanter il sauoit,
Qu'il en estoit par tout loué:
Mais luy il chantoit enroué.
Lors dit la sœur de Iupiter,
O Pan il te faut contenter,
Si tu n'as le chant tres plaisant,
Tu as plumage reluyfant,
Cela te doit reconforter.

Vn chacun doit estre content
Des propres graces que Dieu donne:
L'un en ha peu, l'autre en ha tant
Qu'il plaist à Dieu, & qu'il ordonne:
L'un ha vne grace si bonne
A chanter, parler & bien dire,
Qui ne sauroit lire n'escrire:
L'un ignorant riche de biens,
L'autre bien sauant qui n'ha riens:
L'un en conseil sage se pense
Pour mener guerre, & l'autre est fort.
Dieu ne te veult point faire tort,
Car tousiours il te recompense.



*Plus par finesse que par
force.*



*S'il te semble que par la force
L'impuissant ne te puisse atteindre,
Vray est, mais sa vertu s'efforce,
Et l'eau qui dort est moult à craindre.*


De la Mustelle & des Souris.
Fable L X I.

VNc Mustelle estoit tant enuicillie,
Que sa vertu & force estoit faillie,
Et ne pouuoit prendre à legere course
Rats & Souris comme fouloit : & pource
Elle pensa de trouuer la maniere
De se cacher en huche fariniere,
En esperant que sa proye viendroit,
Et la dedens à l'aise la prendroit:
Ce qui fut fait, car les Souris y vindrent,
Et leur repas de la farine prindrent,
Mais la Mustelle estant illec cächee,
L'une apres l'autre ha coupee & trenchee
A belles dents, ainsi souz telle embuche
Les meit à mort toutes dens ceste huche.

Voila comment quand la force prend cesse,
Il faut auoir recours à la finesse,
Et à l'engin qui la force surmonte,
Car tant que luy n'est legere ne prompte.

Lisander dit ce petit mot tant beau:
Tu feras plus bien souuent par la peau
Du caut Renard beste subtile & fine,
Que ne feras par la peau Leonine.

I



Recongnoître le bien fait.



*Nous devons estre diligens,
A recongnoître les biens faits,
Qui par les autres nous sont faits,
C'est la Loy & le droit des gens.*

De la Formis & de la Colombe.

Fable L X I I.

VNe Formis alloit à la fontaine
Ayât grand' soif, & comme elle beuvoit
Cheut dedens leaue par fortune soudaine.

Sur la fontaine vn bel arbre y auoit,
Et la Colombe estoit dessus perchee,
Qui la Formis dedens l'eauë nager voit.

La voyant donc en l'eauë si empeschee
Se submergeant, luy ietta vne branche,
Que de son bec elle auoit arrachee.

Lors la Formis à son pouoir leaue trenche,
Et au rameau se ioingnit & sauua,
Remerciant vne bonté si franche.

Vn peu apres l'Oyseleur arriua,
Et ses filetz aupres d'illec tendit,
Ses chalumeaux aussi sonner il va.

Et ce pendant qu'à prendre il entendit
Celle Colombe, alors soudainement
Vint la Formis qui au pied le mordit.

Lors pour ce mal receu si promptement,
Iette ses retz & chalumeaux à terre,
Dont la Colombe eut peur & tremblement.

Pour la frayeur s'en vola à grand' erre,
Et la Formis remercia bien fort,
Qui son salut estoit venu acquerre.

Qui secourir autrui fait son effort,
Le deliurant de peril & d'angoisse,
Et puis il tombe en quelque desconfort,
C'est bien raison qu'apres on le congnoisse.



Prudence requise à vn Prince.



*Celle beauté qui l'homme recommande,
Vièt de l'esprit qui est prudēt et sage:
L'autre beauté du visage & corsage,
N'est pas du tout si louable ne grande.*

Du Pan & de la Pie.
Fable LXIII.

LEs Oyseaux n'auoient point de Roy,
Pour les gouuerner & conduire,
Mais viuoient sans Prince & sans Loy,
Dont on voit les regnes destruire,
Vn iour se meirent en arroy,
A fin qu'un Roy peussent eslire:
Le Pan sa beauté allegant,
Se presenta comme arrogant.

Pour la beauté de son plumage
Il fust eslu, mais vne Pie
Luy dit: Nous te ferons hõmmage,
Si en toy n'est force assopie,
Et tu nous gardes de dommage,
Contre l'Aigle qui nous espie:
Mais si tu n'as point de vertu,
Comment nous deffenderas tu?

Quasi disant, il est requis
Non seulement beauté au Prince,
Mais vn prudent sauoir acquis,
Pour mieux gouuerner sa prouince.

Le sage Roy est plus exquis,
Qui deffend le riche & le mince,
Que le beau remply de parage,
Qui n'ha ne force ne courage.



Se chastier par autruy.



*Plein de bon sens et bien sage est celuy
Qui fuyt d'autruy la ruïne et cadēce,
C'est vne astuce & acte de prudence,
Se chastier par le peril d'autruy.*

Du Lyon de l'Asne & du Renard.

Fable LXIIII.

VN fier Lyon, vn Asne & vn Renard
S'en vôt chasser ensemble quelque part,
En la forest branchee:
Tant ont chassé qu'ilz ont corné la prise,
Et pour partir la proye ainsi surprise,
Elle fut detrenchee.

L'Asne qui trop d'audace s'atribue,
A chacun d'eux le butin distribue,
Dont le Lyon despit
Rugist & brait en sa fureur & ire,
Et l'Asne prend, le despece & deslire,
Sans luy donner respit.

Puis au Renard bailla commission,
De faire entr'eux la distribution,
Lors par prudence caute,
La moindre part à luy se reseruant,
De la grand' part fut le Lyon seruant,
De peur de faire faute.

Qui t'ha ainsi (dit le Lyon ireux)
Fait si sauant, si prudent, si heureux:
Lors le Renard parla,
Disant, le mal d'autrui m'ha enseigné,
Car i'auois peur d'estre ainsi empongné,
Que l'Asne que voila.



*Contre ceux qui appetent choses
nouvelles.*



*Les choses presentes blasmons,
Et les nouvelles nous aymons:
Mais on voit en la fin aymen,
Ce qu'on souloit deuant blasmer.*

De l'Asne & de ses maistres.
Fable L X V.

L'Asne trop las de seruir, desdaignoit
Le Iardinier, lequel estoit son maistre,
Et d'iceluy grandement se plaignoit,
Car de durs coups souuent le faisoit paistre.
A Iupiter le donna à congnoitre,
Luy demandant vn maistre familier,
Lors Iupiter luy bailla vn Tuillier:
Mais quand il veit la charge trop pesante,
A Iupiter derechef se presente,
Luy suppliant luy faire ce bon heur
(Veu que sa vie est rude & desplaisante)
De luy donner plus doux maistre & seigneur.
Iupiter rit, l'Asne prie sans cesse,
Alors luy donne vn Courroyeur de cuir,
Duquel souffrit maint tourment & destresse,
Et ne pouuoit les horions fuyr.
En hanissant il se faisant ouyr,
Disoit : Helàs malheur sur moy s'estend,
Qui n'ay esté d'un seul maistre content,
Je suis tombé en la main du bourreau,
Qui ne pardonne à ma chair n'à ma peau:
C'est bien raison. Car qui tant veult changer,
Et rien ne teneue à luy plaissant & beau,
D'un petit mal chet en vn grand danger.



Cheoir d'un peril en un plus grand.



*Qui veut fuyr & euit le gouffre
De Carybdis, quãd il vient pres de là,
Souuent il tombe au gouffre de Silla,
Auquel plus grand danger & peril
souffre.*

Dela Vieille & de ses Chambrieres.
Fable L X V I.

VNe Vieille auoit des seruantes,
Qu'elle esueilloit auant le iour,
Le chant du Coq bien obseruantes,
Se leuoient sans faire seiour.

Voyans donques ce facheux tour
Et ce trespenuyeux resueil,
Qui les excitoit du sommeil,
Dont le Coq chantoit la vraye heure,
Dirent ensemble, il faut qu'il meure:
Lors selon leur conclusion,
Du Coq firent occision,
Mais leur malice en vain labeure.

Ces Chambrieres furent frustrees
De leur fole & vaine esperance,
Elles furent mal rencontrees,
De la maistresse qui les tance:
Car sans paix, repos, ne constance,
Les esueille chacune nuit,
Auec vn tumulte & grand bruit,
Et les fait plus matin leuer.

Qui donc veult vn mal escheuer,
Par fait iniuste & vicieux,
Chet en mal plus pernicioeux,
Qui d'auantage peult greuer.



*Ne s'estimer heureux selon le
monde.*



*Les grans & riches ne sont pas
Si heureux qu'à chacun il semble,
Le poure qui petit assemble
Prend plus gayement son repas.*

De l'Asne & du Cheual.

Fable L X V I I :

L'Asne reputoit bienheureux
Le Cheual gras & en bon point,
Et le tenoit tresmalheureux,
Car de repos il n'auoit point:
On me pique (dit il) & poingt,
Je vois aux champs tousiours chargé,
Et le Cheual est mis à point,
Aymé, nourry & hebergé.

Or aduint il qu'on publia
En ce païs guerre mortelle,
Le Cheual on y enuoya
Garny de harnois & de selle.
Combien qu'il fust dur & rebelle
On luy mit le mors en la bouche,
Et pour soustenir la querelle
On le conduit à l'escarmouche.

Ce voyant l'Asne rendoit graces
Aux Dieux de ce qu'ilz ne l'ont fait
Cheual, pour ensuyure les traces
De guerre qui chacun deffait,
Mieux ayroit estre Asne imparfait
Que Cheual piqué & dompté,
Congnoissant que peu vaut l'effect
Des grans, puis qu'il est surmonté.



*Ne se laisser decevoir sous l'ombre
d'un bien fait.*




*Tous ceux qui ont un beau parler
Ne sont pas vrais amis fideles,
Car dessous paroles si belles
Le mal se peult dissimuler.*

Du Vaultour & des petis Oyseaux.
Fable LXVIII.

LE Vaultour feit semblant de celebrer
Vn beau banquet & copieuse feste,
Pour son natal en ce iour remembrer,
A fin qu'il fust aux oyseaux manifeste:
Tout l'appareil dedens vn Temple appreste,
Et au souper petis Oyseaux inuite,
Qui vindrent tous : puis du Temple bien viste
Les portes ferme, & là tout demoura,
Rien n'y vallut la priere ne fuyte,
L'un apres l'autre en fin les deuora.

Souz l'ombre donc de quelque bel acueil,
Gardōs nous bien d'estre en ce poinct surpris,
Si on nous fait vn gracieux recueil,
Considerons ainsi que bien apris,
Si aucun mal est point deffouz compris,
Car souz miel le fiel est mussé :
Quand tout cela sera ainsi pensé,
Vainqueurs serons des secrettes enuies:
De l'ennemy le fait sera passé,
Sans pouuoir nuyre aux hōneurs ny aux vies.



*N'entreprendre outre ses
forces.*



*Qui plus que ne doit entreprend,
Et ne met fin à l'entreprise,
Chacun l'argue & le reprend,
Et ne treuve homme qui le prise.*

De l'Aigle & du Corbeau.

Fable LXIX.

L'Aigle volant d'une treshaute roche
Desté en bas, & pres d'un parc s'approche
Auquel choisit un Agneau blanc & tendre,
Et dessus luy vint ses pates estendre,
Des ongles ferre, & l'emporte & rait.
Le noir Corbeau qui ceste proye veit,
Cuide ainsi faire, & dens le parc s'en vint,
Ou il eflut un Mouton entre vint,
Le plus refait, sur lequel s'est assis:
Mais aussi tost ses ongles endurcis,
Se sont meslez & ahers à la laine,
Et d'autant plus qu'il prenoit grande peine,
Au mouvement des æsles pour voler,
Et d'autant moins se pouuoit demesler.
Lors un Pasteur qui veit ceste folie,
Acourt bien tost, puis le prend & le lie,
Les æsles coupe, & sans autre debat,
A ses enfans le baille pour esbat,
Dont l'un d'eux l'interroga, disant:
Mais qui es tu oyseau tant desplaisant?
Helàs (dit il) pour vray ie me pensoye,
Une grande Aigle, & ne me congnoissoye.
Mais ie voy bien que ie suis un oyseau,
Moindre de tous, qui m'appelle Corbeau,
C'est à bon droit, s'il m'en est ainsi pris,
Pource que j'ay sur ma force entrepris.

K



Se tenir à ce qu'on ha.



*Qui laisse aller ce qu'il tiët en ses mains
En esperant auoir meilleure chose,
Maintesfois perd, & treuve beaucoup
moins,
Telle esperãce est de son fruit forclosë.*

Du Rossignol & de l'Oiseleur.
Fable L X X.

LE Rossignol sur vn chesne chantoit,
Se desgoisant ainsi qu'il ha d'v fage;
Pres de ce lieu vn Oiseleur estoit,
Qui aux filerz le Rossignol guettoit,
Pour le menger en rost ou en potage:
Il luy feit peur, le Rossignol volage
Se meit en fuyte, aux retz fut arresté,
Donc l'Oiseleur le print à ce passage.
Qui trop se haste est estimé peu sage,
Quand tombe aux laz ou il est aguetté.

Le Rossignol prie à cest Oiseleur
De le lacher, car peu de chose il monte
Pour tel mangeur & si grand aualeur,
Et qu'autre oyseau de plus grande valeur
Prédré pourroit. l'Oiseleur n'en tint conte:
Mais respondit, ce me seroit grand honte
De te quitter, certes tu en mourras,
Par fol espoir qui l'imprudent surmonte,
Je ne croiray en parole si prompte.

Mieux vaut vn tien, que deux fois tu l'auras.

K 2



*Regarder la fin de son
œuvre.*



*Ce n'est pas tout que commencer,
Il faut voir si la fin est bonne:
Car lors n'est pas temps d'y penser,
L'œuvre par la fin se couronne.*

Du Renard & du Bouc.

Fable LXXI.

VN fin Renard & vn Bouc s'en allerent,
Boire en vn puits, auquel ilz deualerent:
Après auoir bien beu leur saoul tous deux,
De leur sortir furent assez douteux:
Mais le Renard garny de sa cautelle,
Dit à ce Bouc vne parole telle:
Prenons courage apres la peur receüe,
I'ay aduisé le point de nostre yssue,
Fay mon conseil, ne le mets en arriere:
Si tu te veux sur les pieds de derriere
Dresser debout, & tes deux cornes ioindre
Contre le mur, d'agilité non moindre,
Qu'à vn bon Cerf, d'icy ie sauteray,
Et cela fait dehors t'en ietteray.
Le Bouc le creut, le Renard dchors saute,
Puis il reprint le Bouc de sa grand' faute,
En le moquant & luy niant secours,
Disant ainsi: si tu eusses recours
A la prudence, au sauoir & v'sage,
Comme ta barbe en porte tesmoignage,
Penser deuois deuant qu'entrer au puits,
Si tu pourrois sortir comme ie suis.
Car le prudent, le bien sage & bien fin,
De tous ses faits il regarde la fin:
Et quand il ha en son esprit conceu
La fin du fait, il n'est iamais deceu,
Comme en tous arts dont la fin est pensée,
Auant que soit quelque œuvre commencee.



*Chercher sa commodité aux
despens d'autrui.*



*Souz l'espece de charité,
Et souz l'ombre de verité,
Nous conseillons autrui tant bien,
Mais c'est souuent pour nostre bien.*


D H S O P E.

Du Renard sans queue.
Fable LXXII.

Quelque Renard par la queue estoit pris,
Pour eschaper il la trêche & la coupe,
Parquoy craignant deshonneur & despris,
D'autres Renards il cuitoit la troupe:
Lors il pensa ses compagnons tromper,
Les exhortant de leur queue couper:
A fin que souz telle espee & tel nombre,
Il peust cacher sa honte & son encombre,
Ainsi que font souuent les malheureux,
Qui pour auoir cōfort comme il leur semble,
Ne leur suffit d'auoir mal tout par eux,
Ains ilz voudroient cōme il sont langoureux,
Que chacun fust, pour auoir part ensemble.

De ces Renards la compaignie estoit
Dedens vn champ, le Renard escoué,
Couper la queue à tous amonestoit,
A celle fin qu'il ne fust desloué,
Leur suadant que la queue si large,
Estoit pour eux vne pesante charge.

Lors vn Renard de ceux qui estoient là,
En souriant pour tous ainsi parla,
Disant: Amy pource que l'accident
T'osta la queue, il est bien euident
Que pour couvrir ton mal & infortune,
Tu voudrois bien l'espee estre commune:
Mais ton conseil est sot & imprudent.



*Ne demander ayde à celuy qui nuyt
naturellement.*



*Il est fol qui secours demande,
À celuy qui nuyt par nature,
Dont la malice ne s'amende,
Baillant pointure pour ointure.*

D E S O P E R
13

Du Renard & du Buiffon.
Fable LXXIII.

VNe autre Renard ayant peur
Du Vencur, court vers vne haye:
Mais lors fut trompé le trompeur,
Quand pour grincer à mont s'effaye.
Voulant trouuer chemin & voye,
Par dedens l'espineux Buiffon,
Des pointes receut mainte playe,
Dont il eut grieve marriffon.

Lors en gemiffant & plourant
Dit au Buiffon, ie vien icy
Pour eſtre ton ayde implorant,
Et tu me naures fans mercy:
Le Buiffon luy reſpond, auſſi
Renard tu erres grandement,
Car tu me penſois prendre ainſi,
Que prens les autres cauteinent.

C'eſt grand' folie de querir
Secours à celuy qui veult nuyre,
Et qui tache à faire perir
Le demandeur, pour le deſtruire.
Ceſte fable auſſi veult inſtruire
De ſe garder d'eſtre ſurpris:
Plus que ſoymeſine on treuue pire,
Et tel veult prendre qui eſt pris.

K



Porter patiemment les iniures.




*On endure bien doucement
Iniure de son aduersaire,
Quand on scait veritablement,
Qu'il est coustumier de ce faire.*

De la Perdrix & des Coqs.
Fable LXXIIII.

Quelque Laboureur acheta
Vne Perdrix pour son plaisir,
Dedens son hostel la porta,
Et toute nuit la feit gcsir
Avec les Coqs au poulailler,
Lesquelz la vindrent trauailler,
Et de leurs becs la piquoterent,
De leur fiente l'infecterent,
Dont la Perdrix plaint & lamente,
Pensant que ce soit la maniere,
Que pource qu'elle est estrangere,
On la batte ainsi & tormente.

Ceste Perdrix vn peu apres
Veit ces Coqs qui s'entrebatoient.
L'un de l'autre approchoient si pres,
Que des ongles & becs ioustoient;
Ie n'ay (dit elle) de merueille,
S'ainsi on me fache & traueille,
Veu que ces Coqs d'une nature,
Ont entr'eux vne guerre dure.
L'iniure à porter est facile,
Du mauuais & l'iniurieux,
Qui d'une coustume inciuile
Est à tous ainsi furieux.



*Estre semblable en parole &
en mœurs.*



*Vn traytre, vn trompeur ou moqueur,
S'il te sermone ou te harangue,
Tu dois bien penser que sa langue
N'est point correspondante au cœur.*

D E S O P E .

177

Du Renard & du Forestier.
Fable L X X V.

VN Renard fut par les Veneurs chassé,
Et tant courut qu'il en estoit lassé:
Pres d'une tente & cabane arriua,
Ou tout ioignant vn Forestier trouua,
Auquel il feit la supplication,
De luy monstrier lieu de saluation
Pour se mussier: le Forestier monstra
Son petit toict, le Renard y entra,
Et se cacha en quelque petit coin.
Iceux Veneurs qui le suyuoient de loin
Au Forestier demanderent, s'il ha
Veu vn Renard lequel fuyoit par là.
Le Forestier par sa fraude maligne
Monstrant le lieu, de la main leur feit signe
Qu'il estoit là, mais il dit de la bouche
Ne l'auoir veu. chacun Veneur s'approche,
Et le Renard par derriere s'eschappe,
Si que pas vn des Veneurs ne l'attrappe:
Et cela fait, le Forestier se cource
A ce Renard, & l'iniurie, pource
Qu'il ne luy ha rendu mercis & graces.
Dit le Renard, i'ay bien veu tes fallaces,
Si tu auois les mœurs & le courage
Sans simuler, pareilz à ton langage,
Gré t'en saurois mais conte on ne doit faire
D'un qui ha cœur à la Langue contraire.



Faire du bien par force.



*Ceux qui sont durs au doux parler,
Et ne font rien que par contrainte,
Il leur faut bailler vne crainte,
Et les frapper & mutiler.*

De l'homme & de son Dieu de
bois. Fable LXXVI.

VN homme auoit en sa maison
Vn Dieu de bois qui estoit creux,
Qu'il prioit en toute saison
Le faire riche & bienheureux:
Mais tant plus son Dieu il prioit,
Et moins son bien multiplioit,
En fin tomba en indigence,
Parquoy son Dieu iniurioit,
Tachant d'en faire la vengeance.

Cest homme en courroux incité,
Par les deux iambes print ce Dieu,
Et d'un despit tout irrité,
Le ietta par terre en ce lieu:
La statue tant desprisa,
Que la teste en piéces brisa,
Dont il isit or & argent,
Que cher estina & prisa,
Comme necessaire & vrgent.

L'homme recueillant la richesse
Disoit, tu es traytre & peruers:
Tu te veux auoir par rudesse,
Et par tourmens durs & diuers:
Quand ie t'ay porté tout honneur,
De rien ne m'as esté donneur,
Ie n'en ay eu rien que par force.

Le mauuais est donc fait meilleur,
Quand on le contraint & efforce.



*Ne s'assubiettir pour nuire
à autrui.*




*Qui se met en subiection
D'aucun, pour à son prochain nuire,
Tant mieux pense son fait conduire,
Tant plus voit sa destruction.*

Du Cerf & du Cheual.
Fable LXXVII.


Contre vn grand Cerf vn Cheual auoit
guerre,

Et pour le battre il le suyuoit grand erre:
Mais voyant bien qu'il n'en seroit le maistre,
Pria vn homme à fin qu'il luy pleust estre
Son adiuteur, à vaincre celuy Cerf,
Tant que souz luy il fust vaincu & serf:
L'homme l'accepte, & à fin qu'il le guide,
Luy met la selle & le mors, & la bride,
Monte dessus, & tous deux vont apres
Le Cerf cornu, le suyuant de si pres,
Qu'ilz l'ont faisy : le Cheual glorieux
D'auoir esté du Cerf victorieux,
Rend grace à l'homme, & le prie descendre
De dessus luy, mais il n'y veult entendre,
Ains luy respond que souz luy demourra,
Et que de l'homme au seruice mourra,
Puis qu'il s'estoit mis dessus sa puissance
Faillloit par force y faire obeissance.

En pareil cas plusieurs en liberté
Veulent combatre & nuire à pourceté,
Et pour la vaincre ilz amassent richesses,
Thresors mondains, par fraudes & finesces,
Dont il aduient que par force d'escus,
Estans victeurs ilz demeurent vaincus,
D'un cruel monstre & tres damnable vice,
Qui est nommé famelique auarice.



*Se refiouir des choses qui appor-
tent le mal.*



*Bien souvent ce qu'on pense
Estre tres proufitable,
Contre toute esperance,
Se treuve dommageable.*

Du Chien inuité au banquet.

Fable LXXVIII.

VN homme auoit semond vn sien amy,
 A vn banquet que chez luy apreſta:
 Son Chien auſſi, qui n'eſtoit endormy,
 Le Chien de l'autre au banquet inuita,
 Qui de venir à l'hoſtel ſe haſta:
 Et quand il veit la cuyſine garnie,
 Il dit en ſoy, ſi bien ie ſouperay,
 Et tant ſera ceſte pance fournie,
 Que de trois iours apres m'en ſentiray.

En ce diſant ſa queüe remouuoit,
 En eſperant s'en bailler par la moue:
 Le Cuyſinier qui reſiour le voit,
 Le prend ſoudain par la queüe, & le roue
 Trois tours en l'aer, ainſi comme on ſe ioue,
 Puis le ietta en bas par la fenestre,
 Dequoy il fuſt eſtourdy longuement,
 Lors chancellant à dextre & à fenestre
 Print à fuyr, criant horriblement.

Les autres Chiens qui le veirent courir,
 Luy demandoient ſ'il auoit bien repeu,
 Luy qui penſoit (ſans eſchaper) mourir,
 Leur reſpondit: Ouy tant que j'ay peu,
 J'en ay tant prins, j'ay tant menſgé & beu,
 Que ie ne ſçay par ou ie ſuis ſorty.

Voila comment ne faut prendre lieſſe,
 Pour quelque bien, lequel eſt conſerty
 Le plus ſouuent en douleur & triſteſſe.



*Labeur continuel fait un grand
thresor.*



*De peu à peu à grãd bien on parvient,
Quand par labeur d'estre riche on as-
fecte:*

*Avec espoir persueuerer conuient,
Car pierre à pierre est vne maison
faite.*

Du Laboureur & de ses enfans.
Fable LXXIX.

VN Laboureur voyant finer sa vie,
De bien pourvoir ses Enfans eut enuie,
En desirant les faire riches gens,
Par leur labeur, s'ilz estoient diligens.
Se mourant donc il leur va dire ainsi:
Mes beaux enfans, apres ma mort, voicy
Que vous ferez, ma vigne fouyrez,
Et tout au fons vn thresor trouueriez,
Que i'y ay mis pour la succession,
Dont ie vous mets en la possession.

Le Pere mort les enfans s'en allerent
Droit à la vigne, & soudain la fouillerent,
Auec horyaux & houes iusqu'au fons,
Mais nul thresor trouuerent aux parfons,
Dont ilz pensoient auoir esté deceuz:
Mais celle vigne apres les coups receuz
Des instrumens seruans aux Laboueurs,
Produit ses fruits & ses raisins bien meurs:
Et neantmoins qu'elle eust esté en friche,
Par ce labeur chacun d'iceux fut riche.

Il appert donc que quand on continue
A labourer, le bien ne diminue,
Mais il s'augmente & suruiet au besoin:
De peu à peu certes on va bien loin,
Plus est prisé vn bien ainsi acquis,
Qu'un bien trouué, ou vn thresor exquis.



De fuir la mort.



*Lo mort est souvent souhaitee,
Quand on ha des maux souuenir:
Mais quand on l'apperçoit venir
Du souhaiteur est reiettee.*

Du Vieillard appellant la Mort.

Fable LXXX.

VN Vieillard portoit
 Vn fardeau de bois,
 Dont lassé estoit,
 Pour son trop lourd poix.

Donques tant lassé
 De porter sa charge,
 Aupres d'un foin
 Son fardeau descharge.

Puis par desespoir
 La Mort appella,
 Et tout son pouuoir,
 Laquelle vint là.

Disant, que veux tu?
 Es tu las de viure?
 Es tu abbatu?

Veux tu la Mort suyure?

Non dit le Vieil homme,
 Je ne veux mourir,
 Je t'appelle & somme
 Pour me secourir.

Preste vn peu ta main
 Pour me recharger,
 Car c'est acte humain
 D'autrui soulager.



Contre les orgueilleux.



*L'homme humble eschappe bien souuēt
Des grans periltz, mais l'orgueilleux
Tombe aux dangers tres perilleux:
Petite playe abbat grand vent.*

Du Roseau & de l'Oliuier.

Fable LXXXI.

VN Roseau tendre & vn Oliuier haut,
De leur beauté & valeur contendoient,
Et l'un de l'autre accusoient le defect:
A qui mieux mieux leur cause deffendoient,
Dit l'Oliuier, ie suis fort & constant,
Et contre moy n'es au vent resistant,
Car tu flechis, & ie suis ferme & stable.
Lors le Roseau se teut & le laissa:
Mais tout soudain vn fort vent se haussa
Impetueux, & si insupportable
Que l'Oliuier par terre il renuersa,
Et le Roseau entier il delassa,
Car il ployoit & estoit variable.

Ainsi est il des orgueilleux mondains,
Trop glorieux & pleins de fier courage,
Qui par des cas & accidens soudains
Sont ruinez à leur perte & dommage:
Car de tant plus qu'en leur pouuoir se fient,
Qu'en leur richesse & biens se glorifient,
Plustost aussi trouuent vn plus fort qu'eux,
Souz le pouuoir duquel ilz sont liez
Assubiectis, prins, & humiliez:
C'est voluntiers la fin des orgueilleux.
Mais les petis, humbles, obeissans,
Qui de leur gré sont doux & flechissans,
Eschappent mieux les dangers perilleux.



Contre les paresseux.



*Qui se veut estranger
Du labour ordinaire,
Soit maistre ou mercenaire,
Il chet en grand danger.*

De la Vache & du Bœuf.

Fable LXXXII.

VNe Vache estant de sejour,
 Voyant que tout le long du iour
 Le bœuf ne bougeoit du labeur,
 Estima cela grand malheur.

Comme meschant le condamna,
 Le desprisa & contemna.

Car sans rien faire elle viuoit
 Tandis qu'au labeur il seruoit.


Mais quand le iour du sacrifice
 Fut escheu, icelle Genisse
 Fut mence à l'occision,
 Pour faire l'immolation:

Dont le Bœuf se print à souzrire,
 Et en se moquant luy va dire:
 Puis que iamais ne labouras,
 Comme inutile tu mourras.

Tu t'es de moy cent foys moquee,
 Mais la peine t'est retorquee,
 Le demeure encore viuant,
 Et la mort t'est de pres suyuant.

Ainsi en aduient il à ceux
 Qui sont tardifs & paresseux,
 Perilleux danger les rapit,
 Malgré eux le Laboureur vit.

Celuy n'est pas digne de viure,
 Qui veult oyssiueté ensuyure,
 Ou voit souuent mourir de faim
 Cil qui ne sçait gagner son pain.



Le mal vient de nous.



*Ordinairement par nous mesmes
 Nous tombons en perilz extremes,
 Nostre faute & coulpe excusons
 Et la Fortune en accusons.*


Del'Enfant & de Fortune.
Fable. LXXXIII.

PRes d'un puits estoit
Et s'y esbatoit
Un beau ieune Filz.
Sommeil le surprint,
Et dormir s'ent vint
Au bord de ce puits.

Fortune qui va,
Au lieu arriva,
Et excluy resueille,
Disant, mon amy,
Ne sois endormy,
Et plus ne sommeille.

Sy tombé tu fusses,
Excusé ne m'eusses,
Et chacun eust dit,
Que trop importune
Luy estoit Fortune
Qui mort le rendit.
Moy donc accusée,
Ta faute excusée
Toujours eust esté.

Mais l'homme imparfait
Luy seul mal se fait,
Par sa lacheté.



Le mauvais vouloir d'inimitié.



*Haine est de si faulx nature,
En cœur, en fait, & au combatre.
Qu'un soufflet volontiers endure,
A fin d'en rendre trois ou quatre.*

De deux Ennemys.

Fable LXXXIII.

DEux gladiateurs ennemys;
Pour passer la mer se sont mis
En vne nauire : & pourtant
Que l'un d'eux l'autre hayoit tant,
Qu'ilz ne se pouuoient entrevoir,
L'un se met pour sa place auoir
En la proue, l'autre en la poupe,
Et alors voicy vne troupe
D'ondes & de flots arriuer,
Que les grans vents faisoient leuer,
Si que la mer tant perilleuse,
Leur fait vne peur merueilleuse.
Celuy de la proue voyant
La mer enflée, & ondoyant
Par les vents & par la tempeste,
Feit au Patron vne requeste,
De luy dire quelle partie
De la nef seroit subuertie,
Premierement. Lots, dit le maistre,
La poupe premier conuient estre
Submergée. Donc dit celuy,
Plus aisé seray ce iourd'huy,
Et de mourir n'auray c'inoy,
Si ie voy mourir deuant moy,
Celuy que j'ay en si grand' hayne,
I'en mourray en plus douce peine.



Ne laisser l'amy au besoin.




*Ne sois pas amy à demy,
Il le faut estre entierement:
L'amour ne vaut rien autrement,
Au besoin congnoit on l'amy.*

De deux amys & de l'Ourse.

Fable LXXXV.

DEux cōpaignons amys s'entr'appelloiēt
Lesq̃lz vn iour parmy les chāps alloiēt:
Vne grande Ourse en leur chemin trouuerent,
Et aussi tost que la beste aduiferent
L'vn d'eux eut peur, & du danger s'osta,
Et sur vn arbre illecques pres monta.
L'autre doutant n'auoir force & puissance,
Pour faire à l'Ourse aucune resistance
Se couche bas, fait du mort en grand' peine,
Sans retirer aucun vent ny allaine:
L'Ourse approcha, & ne sentant tirer
Allaine ou vent, ny l'homme respirer,
Là le laissa, l'estimant comme mort,
Car aux corps morts iamais elle ne mord:
Donques apres qu'elle s'en fut allee,
Le premier feit de l'arbre deuallee,
Et demanda à l'autre quell' merueille,
L'Ourse auoit dit si pres de son oreille.
Lors respondit par douce vrbanéité,
L'Ourse (dit il) m'ha bien admonnesté,
Que ie ne voise à iamais pres ou loin,
Auecques ceux qui laissent au besoin
Leurs cōpaignons, ceux qui font telz defaux,
On les peult bien appeller amys faux,
Qui sont amys seulement de la bouche:
Mais par effect l'amour au cœur ne touche.

M



Ne s'esleuer en orgueil.



*Plusieurs sont qui se mescongnoissent,
Se voyans en prosperité,
Mais s'ilz sont en aduersité,
Leur infirmité recongnoissent.*

De la Mule superbe.
Fable, LXXXVI.

Quelque Mule grasse en bon point,
Bien nourrie d'orge en l'estable,
De rien ne se soucioit point.
Et ne portoit charge greuable:
Sentant donc fortune amiable,
En son courage se prisoit,
L'estimant tousiours fauorable,
Et par orgueil ainsi disoit:

Mon pere est vn tresbeau Cheual
Noble & puissant, plein de prouesse,
Qui peult courir à mont, à val,
Je luy ressemble de vistesse.

Peu apres aduint qu'en la presse
Des Cheuaux legers fut menee:
Mais de courir bien tost fait cesse,
Quand la course luy fut donnee.

La Mule clochant & deffaite,
Dit en soy mesme : l'appèrçoy
Qu'un Asne m'a forgée & faite,
Non vn Cheual, ie le conçooy,
D'autrement penser me deçooy,
Car vn Asne est mon propre pere.

Bien souuent se retourne en soy,
Qui perd la fortune prospere.

M 2



Contre les menteurs.



*Qui s'accoustume de mentir,
Après qu'il ha baillé de bourde,
On ne peult à luy consentir,
Car on luy fait l'aureille sourde.*

Du Berger menteur.

Fable LXXXVII.

VN Pastourau dessus vn mont gardoit
Ses doux Agneaux, ses Moutons & brebis
De ses voisins se moquoit & lardoit,
Quand il estoit saoul d'eaue & de pain bis,
Il s'escrioit : Helas les Loups famis
M'ont defrobé, & mes Moutons emportent.
Gens mensongers iamaïs vray ne rapportent.

Par plusieurs fois les Laboueurs d'entour,
Vindrent au cry: mais les Loups ne trouuoient,
Et bien souuent leur dressa ce bon tour,
Estans deceuz quand ilz y arriuoient.

Vn iour les Loups le parc de pres suyuoient,
Vne Brebis leur demoura pour proye.
Tost vient le mal combien qu'enuis on croye.

Ce Pastourau le larrecin voyant,
Du maistre loup qui la brebis emporte,
Au loup, au loup, disoit il en criant,
Mais de secours ame ne le conforte:

Là on le laisse, aucun ne s'y transporte,
Car trop souuent les auoit abusez.

Touïours en fin sont prins les plus rusez.

Homme qui est souuent trouué menteur,
S'on l'apperçoit on ne le veult pas croire:

Voire fust il de verité l'auteur,

Ne sera creu ny tenu pour notoire:

C'est son loyer, il n'ha point d'autre gloire:

C'est bien raison s'il vse de mensonge,

Que verité luy soit imputé songe.



Se corriger le premier.



*Tel voit dedens les yeux d'autrui
Vn festu, mais sans voir plus outre,
N'apperçoit vne grosse poutre,
Qui l'aveugle, & s'adresse à luy.*

D'aucun Deuin ou Prophete,
Fable LXXXVIII.

Q Velque Deuin en vne Ville estoit
En plein marché, qui disoit l'aucture
A tout chacun qui là se presentoit,
Et annonçoit toute chose future:
Lors se moquant quelque homme de raison
De ce Prophete, & de son sot blason,
Dire luy vint chose qui estoit vraye,
Que les Larrons estoient en sa maison,
Qui emportoient par fraude & trahison
Son or, son bien, & sa robe, & son saye.

Vers sa maison se hastant de venir
En son chemin vn homme incongnu treuve,
Lequel luy dit: si tu scais l'aduenir,
Tu en as fait maintenant faulx espreuve,
Pourquoy veux tu au peuple faire acroire
Le temps futur, toy qui n'as en memoire,
Ton propre mal & aduersé fortune?

Cela est laid de vouloir pour la gloire
Reprendre autrui, & de son fait notoire,
N'en auoir soin & souuenance aucune.

M 4



Demander à Dieu chose iuste.



*Priere & requeste,
A Dieu presentee,
S'elle n'est honneste,
N'est point acceptee.*

De Iupiter & de la Mouche.

Fable LXXXIX.

LA Mouche à miel pour faire sacrifices
 Aux iustes Dieux, de leur grans benefices,
 A Iupiter le plus grand Dieu du Ciel,
 Feit vn present du meilleur de son miel:
 Dont luy ioyeux de telle oblation,
 Luy ottroya que la petition
 Qu'elle feroit, luy seroit accordee
 Tout aussi tost que seroit demandee.

La Mouche donc sa priere faisant
 De mauuais cœur, ainsi luy va disant:
 Trespuissant Dieu concède à ton ancelle,
 Et luy permets que cestuy là ou celle,
 Qui me prendra mon miel furtiuement,
 De mon piquant soit atteint viuement:
 Et à l'instant qu'il souffrira piqueure,
 Il tombe mort, sans qu'aucun le secueure.

Lors Iupiter douteux de l'oraison,
 Luy respondit, ce n'est pas la raison:
 Mais ie permets, & le veux en ce poinct,
 Que si quelcun de ta piqueure est poingt,
 Et il aduient que l'aiguillon demeure
 Dedens sa chair, il faut lors que tu meure.
 En l'aiguillon consistera ta vie;
 De qui tu as de poindre tant d'enuie:
 C'est ton loyer. Car qui prie ou souhaite,
 Qu'à son prochain mort ou perte soit faite,
 Le mal requis (ainsi qu'il est bien iuste)
 Tombe dessus le suppliant iniuste.



Considerer le temps.



*Ce qui n'est point fait en temps deu,
Ne peult trop longuement durer:
Le fruit esperé est perdu,
Et puis apres faut endurer.*

Del'Adolescent & de l'Arondelle.

Fable X C.

VN ieune Filz viuant en ses delices,
 Auoit ses biens despendus follement,
 Et consumé ses estas & offices,
 Tant qu'il n'auoit plus qu'un seul vestement,
 Voyant vn iour voler legierement,
 Vne Arondelle annonçant ce luy semble
 L'esté prochain, non pas l'hyuer qui tremble,
 Au plus offrant sa robe en vente ha mile,
 En demourant tout nud en sa chemise.

Contre l'esperoir arriua la froidure,
 L'hyuer suruint avec gelee & glace:
 L'Adolescent extreme froit endure,
 Le vent le fiert, la neige le menace.
 Et apperçoit l'Aronde qui trespasse
 Pour le grand froid, & douloureux martire.
 Et la voyant luy commença à dire,
 O faux oyseau si de toy ie me deulz,
 C'est bien raison, car tu nous perds tous deux!

Tout ce qui n'est fait en temps & saison,
 Trop lentement ou trop hastiement,
 Sans mesurer à l'aîne de raison,
 Le repentir le suit soudainement.
 En son fait faut auoir bon iugement,
 Ne se reigler souz personne inconstante:
 Mais se reigler souz personne sauante.
 Qui bien du mal, & droit du faux discerne,
 Sage est celuy qui ainsi se gouerne.



Contre les auaricieux.



*L'homme est maintesfois trop expert,
En exerçant son auarice:
Dangereux est tel exercice:
Car tel cuide gagner qui perd.*

De la Femme & de la Geline.

Fable XCI.

Quelque femme vne Poule auoit,
 Qui luy portoit grand auantage,
 Chacun iour pondre luy deuoit
 Vn œuf d'or comme elle pouuoit,
 C'estoit son naturel vſage:
 Dpnt fut augmenté le meſnage,
 Et riche grandement deuint,
 Pour ce beau theſor qui luy vint.

Ceſte Femme auaricieuſe,
 Pensant la Poule eſtre au dedens
 Toute doree & precieuſe,
 La tua comme furieuſe,
 Sans aduiſer les accidens:
 Mais à l'œil de tous regardans,
 Fut trouuee dens ſa poitrine
 Tout ainſi qu'une autre geline.

En pensant donques s'enrichir,
 Elle perdit par couuoitiſe.
 Auarice nous fait flechir,
 Et nous augmente le deſir,
 Qui nous fait perdre choſe acquiſe.
 Deſir de gain fait entrepriſe,
 Qui eſt cauſe de perte à maints
 De ce quilz tenoient en leurs mains.



Contre les vanteurs.



*Qui cherche honneur par sa vantance,
Et il ne met riens à effect,
Il est bien digne qu'on le tense.
De grand' vantance peu de fait.*

Del'Homme & du Lyon.

Fable X C II.

Ainsi qu'un Homme & un Lyon alloient
 Par le chemin, & ensemble parloient
 De leur vertu, de leur force & courage,
 Disans auoir l'un sur l'autre auantage,
 Vne colonne assez haute trouuerent
 Au carrefour, pres duquel arriuerent,
 Dedens laquelle estoit entaillé comme
 Un grand Lyon estoit occis par l'homme.
 Ce que voyant l'Homme dit au Lyon:
 O fier Lyon plein de rebellion
 Regarde icy, un homme tu peux voir,
 Qui le Lyon ha mis souz son pouuoir.
 Le suffoquant comme victorieux.
 Ainsi l'Homme est plus noble & glorieux,
 Que le Lyon, de sa propre nature.
 Dit le Lyon, ie ne croy en peinture:
 Car peintres ont en leur art grand' licence.
 Si les Lyons auoient ceste science,
 Peindre pourroient le Lyon comme maistre,
 Et vainqueur d'homme, ainsi qu'il peut bié estre
 Tu le verras: Lors acheuant son dire,
 C'est homme prend & le tue & despire.
 Il appert d'oc qu'un vaineur plein de gloire,
 Veult ses beaux faits à chacun faire acroire:
 Mais en la fin se trompe & se deçoit
 Si lourdement, que chacun l'appërçoit.



Contre les traytres.



*Ne vueillez trahir, ne riens faire
Non plus que voulez qu'on vous face:
Car trahison ne peult complaire,
A cœur qui est de bonne race.*


De l'Oyseleur & de la Perdrix.
Fable XCIII.

VN Oyseleur tuer vouloit
Vne Perdrix qu'il auoit prise
Aux champs, ainsi qu'elle voloit:
Mais quand elle se veit surprise,
Pria par gand' humilité,
Qu'il luy donnast sa liberté,
Et la lachast, luy promettant
Qu'en ses retz feroit venir tant
D'autres oyseaux, tous de sa bande,
Qu'il en feroit plus que content:
Mais l'Oyseleur en debatant
N'eut cure d'une telle amende.

Lors il luy dit, au vray ie iuge,
Que tu es digne de la mort,
Sans auoir à mercy refuge:
Car tu veux faire à autruy tort.
Tu promets pour te deliurer,
Qu'en mes mains tu feras liurer
Plusieurs oyseaux de ta nichee,
Mais premier seras despeschée,
Pour te rendre iuste salaire.

Qui ha la trahison cherchée,
Sa chair doit estre detrenchée,
Pour estre aux autres exemplaire.

N



Plus par diligence que par force.



*Par long labeur assez continué,
On treuve fin de ce qu'est entrepris:
Perseuerance obtient tousiours son prys,
Qui n'est iamais de l'honneur desnué.*

Du Lieure & de la Tortue.

Fable XCIII.

VN Lieure print debat à la Tortue,
 Luy reprochât ses pieds tant paresseux,
 Louant les siens desquelz il s'esuertue
 Courir au loin non las & angoisseux:
 Mais la Tortue en ses pieds se confie
 Autant que luy, en course le deffie.
 De leur debat le Renard iuge fut,
 Qui leur bailla pour course vn certain but.
 Lors la Tortue, ostant sa negligence,
 Vint iusqu'au but en prompte diligence,
 Ce temps pendant que le Lieure sommeille,
 Lequel pensoit auoir gaigné sa part,
 Mais pour neant apres qu'il se resueille
 Courut au but, car il y vint trop tard.

Le Lieure alors confessa sa paresse,
 En approuuant ferme perseuerance,
 Faite à loisir par prudence & sagesse,
 Trop plus que force & legere inconstance,
 Qui ha de foy si grande confiance,
 Qu'elle s'attend à sa propre vertu:
 Mais son pouuoir souuent est abatu:
 Et au contraire, industrie assez lente,
 Conduit à fin son fait bien debatue,
 Mieux la moytié que force violente.

N 2



Contre les oysifs.



*C'est vn monstre en chose publique,
D'un qui ne veut ou scait rien faire:
Car il est à vertu contraire,
Laquelle à bien ouurer s'aplique.*

Du Feure & du petit Chien.
Fable X C V.


VN Feure auoit vn petit Chien,
Qui tousiours dorinoit ce pendant
Que son maistre besongnoit bien,
Le disner estoit attendant:
Mais quand son maistre estoit mordant
Et qu'à table prenoit repas,
Ce petit Chien l'heure entendant
A ce disner ne failloit pas.

Le Feure ne se pouuoit taire,
Mais disoit au Chien rudement,
Content ne suis de ce mistere,
Tu me destruis entierement.
Car tu dors paresseusement
Quand ie besongne à mon ouurage,
Mais au disner soudainement
Tu viens manger à mon donmage.

Tout ainsi aux champs & aux villes
Les vns seruent au bien commun,
Les autres y sont inutiles
Sans y faire proufit aucun.

O la grand' faute ! quand quelqu'un
Veult tant l'oyssiueté ensuyure,
Sans rien faire en temps opportun,
Qu'il veult du labour d'autrui viure.

N 3



Perdre pour gagner.



*Pour sauver la chose plus chere,
Il nous faut la moindre quitter,
De peur qu'on ne paye l'enchere.
On recule pour mieux sauter.*

Du Veneur & du Castor.

Fable XCVI.

LEs genitoires du Castor
 Seruent à faire medecine,
 Pource est il à cry & à cor
 Chassé, pour en auoir faisine:
 Mais quand il congnoit sa ruïne
 Ses genitoires va trencher.
 Rien n'est que le salut tant cher.

Quand du danger se voit si pres,
 Pour les genitoires qu'il ha,
 Aux dents les trenche tout expres
 Et aux Veneurs les iette la:
 Lesquelz considerans cela
 Les prennent, & laissent la chasse.
 Bien fait qui son salut pourchasse.

Pour euitier plus grand dommage,
 Aucunesfois perdre conuient:
 Le peril fait l'homme estre sage
 Dont il eschape & en reuient.

Le bon Chrestien aussi paruient
 Au ciel, quittant les biens du monde
 En tel salut tout bien abonde.

N 4



*Ne recevoir en gré les dons des
mauvais.*



*Si on te presente aucun don,
Pense s'il est mauvais ou bon:
Considere le personnage,
Et le vouloir de son courage.*

De Iupiter & du Serpent.

Fable XC VII.

Iupiter feit celebrer vn conuiue
 Auquel chacun des hautains Dieux arriue,
 Et pour parfaire & agrandir la fefte,
 De chacun genre il y vint vne beſte,
 Avec preſens & dons tresprecieux,
 Pour preſenter au ſouuerain des cieux.
 Chacun s'eſſorce à faire ſon offrande
 A Iupiter, ſoit petite ou ſoit grande,
 Entre leſquelz le Serpent s'appareille
 De luy offrir vne roſe vermeille:
 Mais Iupiter à plein la refuſa,
 Et le donneur & le don deſpriſa,
 Diſant tout haut : l'ay pris pour agreables
 Des autres tous les preſens honorables:
 Mais du Serpent, qui eſt la beſte ſeule
 Pleine de dol, qui m'apporte en ſa gueule
 Le ſien preſent, pource qu'il eſt mauuais,
 Le don offert ie ne prendray iamais:
 Car des matuials on ne doit receuoir
 Preſent ou don, il y peult bien auoir
 Deception, fraude, dol & malice.
 Tel don n'eſt point ſouuent eſſoies ſans vice.

Par ce propos congnoiſſons clerement,
 Que le preſent fait indiſcrettement
 D'vn cœur pecheur, ou tout vice eſt conceu,
 N'eſt voluntiers du ſeigneur Dieu receu.

N 5



*Ne nourrir les enfans trop
delicatement.*



*Le pere qui trop l'enfant flate,
Nourriture trop delicate,
Liberté, & foie doctrine,
Sont cause que l'enfant mal fine.*

Du Singe & de ses enfans.

Fable XCVIII.

VN Singe auoit deux petis ieunes Singes,
Dont l'un aymoît d'une amour sote &
Fort tendremēt l'enueloçoit en linges, (fole,
Le nourrissoit gisant en couche mole,
Toufiours le baise, amignote & acole.
L'autre il hayoit, & n'en tenoit point conte,
Ains le chassant, de le voir auoit honte:
Mais cestuy là qu'il aymoît si tresfort,
Par trop aymer qui la raison surmonte,
Tant l'estraingnit qu'en fin le mit à mort.

Tout ainsi font les parens imprudens,
Qui aiment trop leurs enfans sans mesure:
Par tel amour tombent en accidens,
Perdent l'esprit, & gastent leur nature:
Car leur baillant trop douce nourriture,
Et les tenir trop chers & trop ayez,
Tombent en mal, dont ilz font diffamez,
La vie est fole, & la fin est mauuaise,
Mais telz parens doiuent estre blasmez,
Quand telle fin procedo de telle aise.



Prouision de saison.




*La prouision de saison,
Soit bonne ou soit mauuaise annee,
Quand elle est par droit ordonnee,
Elle fait riche la maison.*

Des Formis & de la Cigale, ou Grillon. Fable X C I X.

VNe grand' troupe de Formis
Ensemble en vn creux s'estoint mis,
Et auoient durant tout l'esté
Amassé grande quantité
De bled, qu'ilz auoient peu trouuer
Pour se nourrir durant l'hyuer,
Lequel venu, vne Cigale
De qui la cure principale
Est de chanter l'esté durant,
Laquelle estoit faim endurant,
Vint aux Formis, & leur pria
Luy donner si peu qu'il y ha
De leur bled, ce qu'ilz refuserent,
Et par rigueur luy demanderent
Qu'elle auoit fait l'esté passé,
Sans auoir son pain amassé.
Dit la Cigale, ie chantoye,
Et par les bleds ie m'esbatoye.

Lors dirent les Formis ainsi,
Il faut que l'endures aussi,
Puis qu'ainsi est que tu as tant
Chanté l'esté en t'esbatant,
Il te faut en hyuer dancer,
Ainsi te faut recompenser.

Qui ne pouruoit en temps & heure,
En grand' necessité demeure.



De fuyr les femmes.



*Qui se veult mettre en mariage
Il faut chercher la femme sage,
De la fole ne tenir conte,
Qui ne fait que dommage & honte.*

D'un homme & de ses deux femmes.
Fable C.

AV beau Printéps que tout est en vigueur,
Un hōme plein de ieunesse & grād cœur
D'aage moyen, deux femmes espousa,
Et leur complaire en tout se disposa.
L'une estoit vieille, & l'autre ieune assez,
Et il auoit trente cinq ans passez,
Cheueux auoit grifons & demy blancs,
A la vieillesse assez bien ressemblans:
Parquoy la vieille ayinant son amytié,
De ses cheueux luy osta la moytié,
Cestasauior ceux de noire teinture,
Pour micux sembler à la vieille nature.
Les cheueux noirs perdit entierement.

La ieune femme aussi semblablement,
Les cheueux blancs luy osta par cautelle,
A celle fin qu'il ressemblast à elle.
De ses cheueux noir ne blanc ne se sauue,
Et par ainsi l'homme demoura chauue,
Non sans opprobre & laide moquerie,
Qui luy tourna à grande facherie.

Les hommes vieux se doiuent donc distraire
D'amour de femme, ainsi à eux contraire:
Les ieunes gens qui en veulent iouyr,
N'en doiuent tant approcher que fuir.

Bref, cestuy là qui veult viure en honneur,
Ne doit de femme en faire son seigneur.



La vie d'Esopo extrai-

TE DE VOLATERRAN,

*Et autres auteurs : par An-
toine du Moulin Masconnois.*



ES O P E fut du pais de Phrygie, & estoit de serue cōdition, & naturellement laid & difforme de corps : mais Nature en recompēse de telle difformité luy donna vn don singulier, cest qu'il fut fin, caut, & plaisant en paroles. Or aduint vn iour qu'il fut enuoyé aux champs pour labourer : & estāt accusé de la part des autres seruiteurs d'auoir mēcé des Figues, lesquelles on gar-
doit

Esoppe quil apportast vn bafsín pour lauer les pieds, ce quil feir, car il l'apporta fans point d'eaue, par ce qu'on n'auoit nommé que le bafsín feulemēt. On luy commanda aussi quil apprestast le banquet des meilleures viandes quil pourroit : Pour laquelle chose faire, il acheta des langues, disant que elles estoient bonnes, & les louoit, & exaltoit en racontant beaucoup de biens dicelles. De-rechef on luy commanda quil apprestast vn banquet des plus mauuaises viandes quil pourroit, pourquoy faire il appresta semblablement des langues : & declaroit les maux & meschancetez prouenantés par icelles. Il fut interrogué, pourquoy cest que quād on va tuer vne brebis,

elle ne dit mot, & le Porc grongne : à quoy il respondit, par ce que la Brebis estant acoustumee qu'on luy tire le lait, & qu'on la tôte, ne craint point le fer. Apres ces choses Xanthus alla voir les ieux, & estant au theatre des Samiens, il veit vn Aigle portāt en lair vn anneau, leq̃l elle auoit arraché de la main du Preteur : de laquelle chose s'esmerueillans les Samiens, il leur dit, que son seruiteur Esope pourroit facilement dire quelle chose estoit signifiee par ce miracle: & soudain fut appellé Esope, lequel auant toutes choses, en récompense de l'interpretation du prodige, requist estre en liberté & frāc. Laquelle liberté luy estāt ottroyee & accordée à la requeste des Samiens, il accō-

plir

plit la prediſtion & diuination: car il auoit au parauant dit à ſon maĩſtre, quil ſeroit deliuré quelque iour maugré luy. Quant au prodige de lanneau il dit, que dens peu de iours il y auroit vn Roy d'eſtrange paĩs, lequel leur oſteroit leur liberté. Ce qui ne tarda gueres, car il aduint quilz receurent incontinent lettres de Crefus roy de Lydie, par leſquelles leur demãdoit argent, laquelle choſe les Samiens ne voulurẽt accorder, fuyuans le conſeil d'Eſope. Et auãt toutes choſes, apres ce, le Roy demãda Eſope, & Eſope dit aux Samiens ceste fable: Les Loups ont denõcé la guerre aux Lieures: les Lieures requierent les chiens à leur ayde. Les Loups accordent & font paix,

souz telle condition, q̃ les chiens
leur, seront donnez en garde:
quoy fait, apres ilz courent sur
les Lieures. Et en fin Esope sen
alla vers Cresus, bien que les Sa-
miens nen fussent consentans. Et
illec estât paruenue fut receu ho-
norablement, & luy fait on plu-
sieurs beaux dons. Et avec ce il
impetra liberte aux Samiens, en
recompense dequoy il dedia ses
Fables audit Cresus. Et estât re-
tourné à la grand' ioye & conso-
lation des Samiens, peu de iours
apres il sen alla en Babylone, vers
Lycurgus Roy des Roys, auquel
il apprint le moyen de pouuoir
entēdre & interpreter les Enig-
mes & sentences obscures: & cer-
tes en ce temps là ceux d'Orient
estoyent en ce tressauans, à cause
dequoy

dequoy impoſoient tailles & tributs à ceux qui ne ſauoient entendre iceux enigmes. Eſope eſtât vn iour accusé enuers le Roy, & ce par le moyen dun hōme nōmé **Epnus**, lequel ledit Eſope auoit pris en adoption, fut cōtraint de ſe cacher long tēps en vn ſepulchre. En ces entrefaites, **Necte-nabo** roy d'**Egypte**, enuoya vn Enigme à **Lycurgus**, qui eſtoit tel, ceſt, quil vouloit edifier vne tour, qui ne toucheroit ciel ny terre. Pour interpreter ceſt enigme, Eſope fut demādé, lequel ſortit hors du ſepulchre dōt le Roy eut grand ioye & plaſir, lequel dōna lettres de pardon & grace, au filz adoptif dudit Eſope, dōt auons parlé cy deſſus. Puis apres le Roy **Lycurgus** donna la lettre

de Neſtenabo à Eſope pour la li-
re: & quād il l'eut leuē, il entēdit
incōtinent la ſolution de la que-
ſtion, & ſe print à rire, & dit au
Roy Lycurgus, quil eſcēuiſt à
Neſtenabo, que quand l'hyuer ſe-
roit paſſé, il luy enuoyeroit des
ouuriers qui luy baſtiroient ſa
tour, & auſſi vn hōme qui reſpō-
droit à toutes ſes demādes. Apres
ce Lycurgus rēuoya les Ambaſ-
ſadeurs d'Egypte: & redonna à
Eſope toute ſa premiere admini-
ſtration, & luy rendit Ennus &
tout ſon bien. Or Eſope receut
benignement Ennus, & ne le cō-
triſta en rien, mais le traita dere-
chef come ſon propre filz: & en-
tre autres choſes lenhortoit ainſi:
Mon filz, ayne Dieu. Sur toutes
choſes honnore le Roy. Monſtre

toy terrible à tes ennemis, à celle
fin quilz ne te mesprisent. Sois à
tes amys priué, affable & benin,
à fin quilz soient enclins à te biē
vouloir. Reiette toute parole le-
gere. Sois sobre de ta lāgue. Naye
honte dapprendre tousiours. Ne
dy iamais ton secret à ta femme:
car elle cherche tousiours le moyē
pour estre ta maistresse. Amasse
chacū iour pour le lēdemain: car
il vaut mieux en mourant de-
laisser à ses ennemys, que estāt en
vie auoir besoin de ses amys.
Chasse de ta maison le mesdi-
fant: car ce que tu fais & dis, il le
rapportera aux autres. Ne te fa-
che point de ce qui tairiendra.
Enmys estāt instruit de toutes ces
choses & plusieurs autres par Eso-
pe, & ayant le cœur frappé ainsi
que

que d'une fefche, tant par la pa-
rôle d'Efope, q̃ par fa propre con-
fciende, mourut peu de iours
apres. Efope appella tous les oy-
feleurs, & leur cōmandā de pren-
dre quatre poufsins d'aigles, & les
ayant, les nourrit & leur apprint
de porter en volāt bien haut des
enfans dedens des corbeilles pen-
dues à leur col : & les induifoit à
cefte obeiffance, de forte quilz
volaffent ou les garçons vou-
droient aller, ou en lair bien
haut, ou en bas pres terre. Quand
lyuer fut paffé, Efope appresta
tout ce qui eftoit neceffaire pour
vn tel voyage, & print les garçons
& les aigles, & fen allā en Egy-
pte, eftonnant tout le mōde par
vn tel fpectacle. Efope eftāt arri-
ué, le Roy des Egyptiens dit à fes
amys,

REGIA

Q. 9. 7.